

豹軒詩鈔


67-538



1200501281774



始



豹軒詩鈔卷七

北越 鈴木虎雄 撰

大正六年丁巳 四十歲


丁巳元旦余在燕京僑民盡詣交民巷使署拜  
聖容余亦隨其後

滿街車馬不揚塵使署旌門昇旭新僑客三千來拜頌  
天皇陛下萬年春

和如舟小川博士新年作次韻

薊門始見歲華新  
鐘畔盆梅白點銀  
誦到南枝詩意切  
何人不憶故鄉春

如舟博士見贈一裘賦謝



懶襟貓裏剪裁新輕似浮雲暖似春賴有一裘憐范叔  
嚴冬抵得固窮身

送如舟博士東歸二首 六日

朝叩書莊夕玩坊薊門十日忽殊方臨歧無奈依依思  
一往一來為學忙

兩次迎君又送君春帆去入海東雲京中如遇相知士  
為道平安攻舊文

送法學博士巖谷顧問 孫患喉就治日本 三月

楊柳未黃梅未薰扁舟直指海東雲不妨求藥蓬山去  
春色帶回偏待君

陶然亭二首

二月東風放豔陽郊亭與客俯池塘輕波淡淡蘆芽小

暖日遲遲柳線長

人生何必問窮通行樂隨時佳興同且指西山浮爽氣  
陶然一醉坐春風

天安門至中華門輦道如砥予日日散步忽見

新草生有感

輦路生芳草青青映砌斜不知朝代改春色屬新華

六條胡同本願寺觀桃花賦呈默雁尊者 四日

本願寺中桃李花千枝萬朵爛如霞栽人誰得如斯樹

一帶朔方漲錦華

萬壽山四首

崑明池北玉泉東構築曾誇閬苑雄荒草已埋耶律墓  
行人猶問覺羅宮湖隄煙柳垂垂綠露砌海棠豔豔紅

回首傷心龍島水錦帆無影拂橋虹

丹巘青崖帶禁牆甕山夏木鬱蒼蒼煙嵐重疊峰三面  
樓閣玲瓏水一方舞殿花明空鼓笛釣臺露冷失鴛鴦  
金輪去後豪華盡只有池蓮似六郎

西后頤園枕鏡湖半天宮殿藹虛無風生畫棟雲猶動  
人去雕廊月自孤無復宋民憐良嶽空傳王母宴蓬壺  
非由峻宇糜財力孰使遼師喪舳艫

荇青沙白接山平寶殿琳宮隔水明佞佛梁皇輕棄甲  
遊嵩周后誤調羹春風華表丁威鶴夜月雲間子晉笙  
社屋蓋新還六載觸蠻南北未停爭

聞宣統帝復辟報一七月一日

旌旗五色變黃龍劍佩枉修文武容誰引豺狼朝大內

不知禁闕化飛烽

南池子夜坐時張勳擁立宣統帝段祺瑞討之

城中喧騷七月五日

為鼠為龍亦偶然流氓滿目實堪憐中宵不寐涼棚下

缺月林風聽老蟬

七月十二日記事段軍來攻余避難于東交民巷日本郵局長官官舍因獲

無事長官中林子賢也

動地炮聲宿霧披紛飛彈子裂榆枝先生無事薊城裡

起見青山臥詠詩

葵後過南河沿張辯子廢宅

轅門無復列霜戈戰敗項王如汝何屍骸縱橫玉河上

老榆殘壁暮蟬多

亂後書感二首

鄰殃波及暗躬驚禹域頻年不弭兵安奉吾 皇臨大  
陸千秋萬代邅升平  
誰奉 神孫供奉班恩波西被遍瀛寰乃將江海為池  
水直視泰衡同假山

步相川竹陰老人寄示詩韻卻寄三八月

年少枉來長者書風雲變易慨慷餘恨吾文字非經國  
寄向故人焉起予

明陵次前度詩韻

麻豆徑連梁稷塍溪流飲馬露光凝紅牆翠柏昌平路  
復弔明朝舊帝陵

居庸關

誰道守之在四夷關門零落草離離壁間留得雕經石  
六國文彤費苦思

土木堡即明英宗為先虜處

舜階干戚迂愚甚禹域衣冠不解兵可笑朱家傳北伐  
古來天子幾親征

宣化

曠野無涯黍若雲山坡牧畜各成羣荒涼未見沙場景  
一半先窺塞外文

洋河遭雨

中流沙淺水東馳南岸柳榆風倒吹白雨黃塵紛撲面  
荒丘破堡電雷垂

赴大同途上書感

累垂禾黍接天昏處處泥牆猶有村誰化斯民躋壽域  
朔方風色似中原

大同府月夜聞笛

玉露金風遍白榆天高野曠月輪孤邊城夜半吹南管  
宛似漢人守塞圖

對月憶家

徘徊曠野露沾衣頭上驚看早雁飛絕塞自憐身是客  
滿天明月戀庭闈

寄題烏居素川讀月樓

滿腔熱血罵侯王青眼相憐是衆氓讀月樓中讀何典  
乾坤無字大文章

寄懷素川

草白朔方覺已秋夜來銀漢向東流雲中爲客逢明月  
不耐遙思讀月樓

將向咸陽作二首

昨過居庸奇字搜月明逢著大同秋今朝又向咸陽去  
自笑太忙馬少游

四十書生猶黑頭年年行李發清秋魯齊山岳豫雍水  
問學游兼覽古游

碭山

亂世何無草澤雄真龍不起碭山空藤蕪原濕蕭蕭雨  
片片雲飛向沛豐

宿磁鐘鎮示羽溪學士

了諦

君截菜根我點醬呼僮炊飯各相嘗起居欲注油燈暗



手解氊包上土牀

經古函谷關在靈寶縣西

黃河如海濁流閒峽道縈回萬仞山細雨濕書暫停卷

驟轎夢冷度函關

閔鄉縣日暮作

河上驚濤拍岸還行人轎裡暮間關雨餘雲氣曳殘白

隔水紺青三晉山

盤豆鎮途上

猶是潼關半日程隴丘稍倦旅人情秋風忽送西天翠

馬首崢嶸秦嶺明

潼關

殘堞連崗草木空城樓一上望無窮天邊華嶽崢嶸出

雲際黃河屈曲通亂世固多狗盜輩清時未見鳳圖功

關中王氣全消滅休說當年設險雄

夜入華州

驟鈴蕭索響寒茅驛路泥深車轍交未到華州秋日沒

長庚一點上楊梢

渭南道中

高桑老大與楊齊村店無人閒午雞添得渭南田野趣

木綿花發路東西

登慈恩寺大雁塔

風鐸鏘鏗鳴不休依然高塔曲江頭靡蕪全沒芙蓉苑

草樹斜連涇渭流昔日衣冠題詠地東方客子俯臨秋

終南山色蒼茫暮更自何邊辨九州

三橋鎮

曩在零口余與羽溪學士宿于驛轎是夜則宿驛車之上

阻雨回來野店家咸陽北望密雲遮征途艱苦猶難測  
昨宿驛轎今宿車

發西安

車上翩翩揚旭旗如絲大道疾徐馳異邦民亦知皇德  
匪類避回行旅隨

喫西瓜

驟轎油幕夕陽斜熱氣蘊隆渴意加烏柿淺紅未堪喫  
白楊樹下賣西瓜

臨潼華清宮溫泉六首

既有棲鴉噪白楊驪山秋色晚蒼茫槽前稅駕臨潼驛  
先訪玉環供奉湯

山下亭園秋柳黃雙池南面室中央玉鬢金雁零落盡  
道是唐朝妃子湯

碧嶂嵯峨渭水濱千門想像翠華春于今山下溫泉滑  
不洗凝脂洗旅塵

東向河南第一程微風纖月入華清牆邊敗葉蕭蕭響  
猶似當時私語聲

殿址荒涼渭水東分明樹色接新豐開天遺事倩誰語  
不遇津陽門北翁

清后行宮碧蘚荒聞曾內監侍新妝青銅三百給門老  
笑導吾曹浴御湯

華州途上

曉來清爽似深秋雲氣南山凝亦流雪白蘆花黃綠柳



兩行夾道向華州

宿靈寶縣

淨碧天高鵲起柯夜深驛館絕村歌一輪函谷關頭月  
照得離人秋思多

發靈寶

靈寶古桃林  
塞廿八日

路傍閒草露華多曉度桃林日上柯迢遞隴丘禾黍外  
煙消赭岸識黃河

磁鐘鎮途上

嘉禾黃熟隴丘間日脚漸斜禽犢還遠近諸峰皴法妙  
紫山缺處畫青山

復宿磁鐘鎮

窮山寒鎮宿蒿萊前度行人復又來喫著火豚宰相怨

多慙店主馬回回

店主姓馬奉回教者回教  
禁喫猪而余等私喫之

觀音堂中秋

假面巧為優孟冠村祠月白笛聲寒可憐佳節人千里  
不見女兒芋栗盤

洛陽天津橋

洛水湯湯人影空古橋唯剩一穹窿九原如問邵康節  
地氣今移東海東

鄭州與松本

文三郎 博士羽溪學士別

西風露冷換衣初暮宿朝餐二月餘今日臨歧鄭州路  
同行憶共食鱸魚

無題

殘燈無燄曉雞號夢覺綺牕殘月高猶訝破啼成失笑

凌雲飛去鄭櫻桃

彰德府宿于火車中

橫流河北失西東一到安陽路不通非馬非驟車是火  
人生宿舍信無窮

渡淖沱河向正定

橋梁倒壞水聲多行客爭先奈晚何一椀欲嘗無麥飯  
天寒木落舊淖沱

直隸車中即目

渺渺朔天平野寬禾雲收盡曉霜寒水流曲折成村處  
黃柳一團又一團

伯牙臺

在漢口西  
以下南行諸作

梅子崗邊漢水潯柳殘荷折月湖深雙槳漾盪琴臺畔

千載誰知鍾伯心

洞庭湖望君山

洞庭一望曉雲閒洲嶼蒼茫積水間恍惚猶聞神女瑟  
舵樓獨立對君山

長沙次前田博士

名慧雲  
號止舟詩韻

我到長沙市清湘萬瓦涵屈祠猶水北買宅尙城南斑  
竹何邊在紅楓盡日探忍聞鄰境事衡桂戰方酣

岳麓山望湘亭次前田博士韻

孤亭突兀俯岩巖萬里澄清秋鶴驕楚澤風帆連水盡  
蒼梧淚竹入雲遙前賢有道垂遺緒後進味靈甘折腰

欲弔蔡黃

蔡興

薦蘋藻

路旁有  
二子墓

滿山紅葉下天颺

愛晚亭次前田博士韻

寒山無客怪禽鳴斜日逗梢楓錦明愛晚亭邊來去久  
併看林外數峰晴

岳麓書院見木板有記國恥史者因賦

案書狼藉衆賢祠忠孝堂中虛講帷木板徒知題國恥  
眞成幾箇是男兒

長沙賈太傅故宅

時爲屈  
賈祠

城中華市屋相侵故宅蕭條尙有林睡石云誼畏暑近  
所臥者  
牕梧葉散遺容隔幔篆煙沈修門無繼三閭節宣室誰  
知太傅心百代飄零禦戎策長教行客淚沾襟

三閭大夫祠

秋陽曉上桂椒枝岳麓東崗訪舊祠細逕斑斑薰野菊  
寒塘漠漠長江蘼孤臣常抱哀郢志才子空吟弔屈辭

堂宇儼然猶木主案前虔拜淚先垂

汨羅

秋風嫋嫋洞庭波日午天寒傍汨羅洲渚砂明飛雁鶩  
平原草綠亂蘭荷秦關客主貽謀少楚澤孤臣含恨多  
千載躬經懷石處大招吟罷一長嗟

岳陽

舷頭始認岳陽城城下停舟正晚晴夢澤雲山帆外列  
瀟湘煙樹坐中橫詩囊未滿三千首驛路空經九萬程  
眼見洞庭湖水濶雖非遷客亦傷情

溯江絕句五首

舷頭坐受大江風山色水光望不窮想得西征零口夜  
盤無蔬飯宿轎中

長堤楊柳翠煙遮茅舍竹籬一帶斜除卻大江如海濶  
風光總似故鄉家

滾滾長江萬里流樓船駕浪傍中洲夕陽煙樹山如畫  
一水中分兩岸秋

魚龍出沒夕波間遠樹淒迷落日閒千點鴉歸帆影盡  
江平兩岸更無山

江水汪洋漲若油澄明風氣入高秋青山紅樹人家小  
彷彿倪黃畫裡遊

江上聞雁

漢陽西去第三程江路曉聞新雁鳴南浦星雲低有影  
長洲蘆雪冷無聲稻梁知爾謀方急書劍憐吾功未成  
兄弟離羣妻子隔臨風目送一傷情

爾雅臺

棟傾壁圯鎖寒蕪爾雅臺餘斷石孤渠賦游仙非俗物  
韓公漫議注蟲魚

曉發宜昌

篷窗風冷水生煙數點殘星江外天多少人家貪曉夢  
已看漁火網新鮮

三遊洞二首

近沙巖角繫孤舟遠上崔嵬霜樹稠下有下牢溪水碧  
寫來千壑萬峰秋

千崖矗立碧溪頭絕壁孤雲映磻流怪有紅毛來縛屋  
卻無人繼白蘇遊

峽口絕句四首

神剗鬼鑿費工夫峭壁懸崖似丈壺綴得霜林千段錦  
展來着色郭熙圖

臨潭萬嶂碧崔嵬黃菊丹楓影倒開解識古人詩句好  
看山人自蜀中來

江流曲曲畫屏開容與扁舟幾溯回造化胸中真不測  
千峰未盡萬峰來

懸崖欲墜怯經過峭壁深紅掛蕙蘿臨泛欲窮江上興  
更移孤棹向巖阿

下江宜昌曉發

舵樓人語上紅燈天地蒼蒼曉氣澄暫與溪山長揖去  
一聲風笛下夷陵

章華臺二首

荊州城郭接江流陂澤參差擁故邱徙倚章華臺畔路  
風煙猶似昔時秋  
山河不改水東流楚子雄風土一邱熊掌蜂腰誰管得  
寒煙領略渚宮秋

驚鴻

極目江天望不分蘆洲風起雪紛紛欲題相思寄東海  
一陣驚鴻亂入雲

石首

江路渺茫頽岸間水天無際白帆斑舟行似得佳人慰  
雙黛嫣然石首山

發漢口

萬古朝宗江漢流天寒木落雁聲愁書生游迹何時定

又上東吳月夜舟

宿廬山牯牛嶺

孤店空山上夜深明月高野蔬白如雪澗水細於毫天  
淨峰巒出林寒豹虎嗥薄衾不成睡虛籟起驚濤

棲賢寺

深秋尋古寺樵牧不相逢籬接彭蠡水門當五老峰誦  
經黃葉散擊磬白雲封前哲皆何往空思塵外蹤

白鹿洞

昔聞白鹿洞今訪小李村沿谿度丘隴澗湍橋下喧五  
老峰壓屋講舍儼如存丹堊變素壁不聞咿唔溫可歎  
詠歸地匾標改其門賢祠與文廟廂廡牛馬屯學規揭  
何處丹桂枯臥垣碑版或在壁所記乖天恩墜敗朱張

志豈能關靈源入夜我留宿明月照前軒清風生虛籟  
松欒紛滿園獨上讀書臺榛莽白露繁澗流碎月影對  
之無片言馳想千載上寸心誰與論寄語軒冕輩盍思  
覺斯民

萬杉寺

杉樹森森秋日明清晨入寺一鐘鳴逢僧閒話山中事  
喫得東坡玉糝羹

開先寺

五老東望屹儼然香爐雙劍並峰名插晴煙行行早識開  
先寺朱壁黃林翠嶂前

歸宗寺王右軍墨池

池在寺傍萬壽宮庭中  
宮改作清風黨小學校

莊嚴右軍宅寂寞梵王家池水猶翻墨壁碑紛若麻彩

旗秋葉落翠桂夕陽斜童子方收課各自罷塗鴉

醉石館

在栗里柴桑橋北  
數里虎爪崖下

陶公住栗里來往廬山中醉則臥石上酒痕至今同我  
來尋其地谿谷披林叢巨石當崖下南山尚龍嵒我固  
不解飲欽公心茅空朱子固達者崖傍為築宮空同亦  
賢侶存祀粢盛豐飲酒何足貴賢達意或通獨憾松菊  
徑無人標清風

陶淵明墓下作

墓在貫口面  
陽山半腹

行行辭貫口漸近面陽山合沓蒼崖秀紆餘碧水閒唯  
聞雞犬靜不見牧樵還古樸想晉俗幽邃憶陶阡萬松  
猶羅列一徑自彎環墓門稽首久夜臺長閉關天道不  
與善委順隨化遷大哉夷齊後清高絕厥班

官店溪道中

溪在廬山  
西南麓

碧溪回折路高低林壑幽深廬岳西不怪詩神清徹骨  
山茶花發畫眉啼

虎溪

一樹老槐古澗西殘碑無字沒砂泥當時三士知何事  
大笑相持過此溪

東林寺

行盡廬山山萬重回望邱壑暮雲封唯緣嘗讀高賢傳  
來聽東林寺裡鐘

琵琶亭

在九江西  
北江磯 三首

朱萸粉壁映江流楓葉荻花非古秋欲識香山作詩意  
琵琶亭畔試登樓

潯陽送客月波流楓葉荻花鴻雁秋一曲琵琶還侑酒  
詩人何怨謫江州  
茫茫江水月生波家在海東秋半過貶謫詩人淪落女  
何如遊子淚痕多

衝雨上滕王閣 南昌

雨急章江捲碧瀾西山山色隔簾寒秋風淒颯吹蓬鬢  
心折少年王子安

發九江

打船逆浪響蘆蒲晨發潯陽帆影孤江路二千三百里  
天涯載病向東吳

船到下關小泊望金陵有感

獅子山邊落晚潮金陵王氣未全消休言江水分南北

東逝應歸一統朝

失題 以下  
上海

瓦解土崩今已睹支離滅裂昔嘗聞西牆壞倒災將及  
東舍倉皇髮欲焚吾護吾生非盜國汝亡汝教失尊君  
蓬萊唯待真龍出願奏堂堂玉册文

歲晚寄懷湖南內藤博士

蘆光雁影楚天秋相見相分江漢頭我去將尋廬岳寺  
君來忽上洞庭舟西邦風物驚工變逆旅文章易著愁  
纔到滬城逢歲暮明春回棹好從遊

寄懷君山狩野博士

海雲吳樹遠依稀客舍登臨對夕暉申浦風寒蛟已蟄  
淞溪葉落雁孤飛山川空入仲宣賦今古何歎伯玉非



轉眼平安春又近須裁桃李滿王畿君山博士次韻見寄云歲暮江南木葉稀山川滿目帶斜暉塞關突兀孤雲過煙水把蒼茫獨鳥飛為客知君詩味淡閱人覺我宦情非歸來把臂期應近早已春光入帝畿

寄秋吉默容師師時在燕

兩年琴劍滯燕門憶在通衢幽事繁賞畫幾過武英殿  
買書同訪海王村禪房明月叩玄理破屋凍風思古言  
今日申江逢歲晚寒樓獨夜夢朱垣

丁巳申江除夜

平生迂僻耽幽獨今日天涯悲索居彩服遙憐童稚面  
斷鴻長阻友朋書瓶交梅柳稱正旦盤缺屠蘇仍歲除  
冰臆淒然申浦夜五方歌吹響樓疏

大正七年戊午 四十一歲

戊午元旦時客申江

赫赫晨曦破海煙江南留滯入新年去鄉逾遠皇恩大  
稽首 三宮御影前

如舟博士見示韓幹畫馬詩因有此贈君時在青島余在上滬

正月江南春漸回忽逢齊北雁書來新收堪羨韓生馬  
遠寄無從陸子梅玉骨冰姿魂獨苦風蹄霜鬣夢空猜  
一枝何日鞍傍插離恨關山笛裡催

贈道士李梅庵梅庵號清道人善書

一曲采薇不忍聞欲乘仙鶴拂星文人間枉作臨池戲  
君是前朝張白雲

明故宮址

以下七首南京

江南佳麗帝王居古址蕭條浩劫餘  
玉殿坼磚童子賣芳園種菜野人鋤  
衣冠影向龍橋盡劍佩聲隨雉堞虛  
獨有紫金山上月清光依舊滿城渠

半山亭

王安石故宅在鍾山麓

無聲澗水擁門庭排闥遙峰送舊青  
彷彿幽人高士跡白林疎石半山亭

孝陵

朱家陵墓對城闌殘闕淒涼慘愴神  
馳道方生銀苜蓿荒郊久臥石麒麟  
蟠龍踞虎消王氣玉樹金蓮非舊春  
六代繁華俱滅絕豈唯明社惜湮淪

臺城址

迢遞邱巒帶寺牆朱樓翠殿迹茫茫  
多情偏是臺城柳要待春風放舊黃

景陽井

雞鳴月落曉煙平結綺臨春次第明  
一曲後庭猶未了景陽樓上已鐘聲

方正學墓

雨花臺北舊墳遺宿草荒涼沒斷基  
蜀道風雲猶抱怨金門煙鳥更添悲  
青山一片留香骨碧血千秋濺玉墀  
殘虐徒勞瓜蔓抄燕王篡奪匹夫知

秦淮

煙雨青山六代愁吳宮晉苑邈難求  
潺湲唯有秦淮水長向石頭城下流

寒山寺 以下七首蘇州

麥綠楊黃接遠峰  
溝流一道白溶溶  
姑蘇城外春堪賞  
來叩寒山亭午鐘

楓橋

吳歌一曲水迢迢  
東望雲山鄉國遙  
猶有相思忘不得  
柳煙如夢過楓橋

館娃宮址二首

香徑屨廊空委塵  
館娃宮廢尚留春  
曉來山外湖天碧  
不見吳王歌舞人

沈子培曾植曰若使漁洋山人觀之知其必當擊節歎賞

蛾眉一笑霸圖空  
雪辱全歸浣女功  
越壘吳臺俱壞滅  
行人唯說館娃宮

西施

既傾人國報吾讎  
一旦事君恩亦優  
怪汝不隨吳燼滅

飄然共泛五湖舟

靈巖至天平途上偶成

楊柳風微村郭晴  
疲驢仄帽不貪程  
林疎石怪天平路  
身在倪黃畫裡行

虎邱真娘墓

真娘香塚草花紅  
短簿古祠松柏空  
酷似靈巖山上路  
獨緣西子識吳宮

吸江樓

在焦山下三首鎮江

中流孤嶼俯滄波  
絕頂層樓出薜蘿  
淮甸野平春草綠  
吳天雲盡暮山多  
長江萬代空王霸  
遠客一身聊嘯歌  
今日登高堪作賦  
休將好景付漁蓑

多景樓

在北固山甘露寺

形勝東南第一樓登臨與客坐磯頭天垂山色排雲出  
地坼江光壓樹浮細雨疎鐘京口寺春風斷角秣陵舟  
羈情不覺滄洲遠疑是丹青屏裡遊

江天一覽亭

在金山天寺

北固焦山相對開江天一覽望悠哉青青楊柳漁村遠  
歷歷帆檣極浦迴三楚煙霞生障壁兩淮草木入樓臺  
臨風嘯傲碑亭畔想像清皇巡狩來

禹陵

以下三首紹興

出城三四里來弔禹王陵門對清溪水碑迷荒逕籐新  
亭餘窆石古殿闕金燈歎息成疏鑿會稽到此崩

越王臺

越王臺下雨如塵表裏湖山煙樹春誰料破家亡國地

卻生嘗膽臥薪人

鄭蘇戡孝胥曰沈著可稱名作

鑑湖過陸放翁故宅登快閣

閣今歸姚氏

一曲鑑湖春水清林光野色鏡中明登臨定似放翁興  
飽看山山雨後晴

岳墳

以下二首杭州

汗青曾識岳家軍杖屨今來訪鄂墳道左奸臣長跪地  
牆邊老柏欲凌雲金牌枉奉班師詔霜簡空傳斬佞文  
廟食誰教等關羽

時岳廟改為關岳廟

盡忠報國最推君

西湖

湖邊春早柳絲絲鶯囀輕風與水宜草色遙連蘇小墓  
濤聲不隔伍員祠長堤緩轡佳公子曲港停橈豔雪兒

予亦追隨行樂伴西冷橋畔立多時

春暮歸洛書懷 以下歸自游學以後作

風餐雨宿兩年程眼見古今興廢情未洗朔南塵土氣  
晚櫻時節入神京

長樂館雅集次鳳岡祭酒詩韻二首

衣上尚殘關洛塵登樓驚見夏光新綠陰全就紅飛盡  
又負東山一度春

電燭輝煌酒半醒夜深高會此山亭不關新樹鶻聲急  
故舊重逢眼盡青

附錄諸家詩

荒木風岡祭酒云不是尋常汗漫程野梅官柳不  
關情歸來欽汝奚囊重賦自南京到北北京又云兩  
看東山羅綺塵綠陰如水夕陽新平生閒卻風流  
事獨為櫻花賦惜春又云惜春詞就酒全醒籬外

風寒怕下亭聽跡到新鵬魂欲斷萬花紅盡暮山青  
又云繁華如夢跡茫茫形勝猶存古帝鄉休說西  
安城外路荒煙

長尾山中經夢尋便過宛洛入咸京空山采藥情  
行自雲中夢澤興廢萬千程

煙雨樓臺連北固青山一抹是南到會遊空復情  
狩野君山尊前剪燭問行程話到曾遊空復情

西村碩園依舊雨桃花葉記遊程楚舞吳歛尚惹情  
借問春光依舊雨桃花葉記遊程楚舞吳歛尚惹情

近重庵云載筆雲濤九萬程燕山楚水最關情  
憐他流寇亂離日不聽張衡賦二京

和湖南博士晴川篇

稅駕神京日開襟江漢時論前宣室席學愧廣川帷非  
病甘甕牖獻誠思玉墀驩虞王道作弱昧霸謀隨西顧

憐蠻觸新歸望契夔殷憂難可輟反覆誦微辭 湖原唱博

實用予丙辰遊學臨發述志韻者其辭曰昔遇晴川  
上衡湘告警時形骸勞夢寐星月照簾帷歸纜乘春浪

飛駿趁曉一足變惟君知此意嗟我乏微辭九  
州鐵嶂談論相上下詩酒復隨鑄錯九

諸友為余置酒于嵐山某亭

水閣花殘叫小禽歸來遊子始登臨一條逕細青苔古  
五月江寒新樹深嵐峽偏疑通巫峽龜陰宛似入山陰  
傾杯弄筆賓朋後卻憶篷窗擁鼻吟初山衣洲次韻云  
停杯兀坐聽溪禽  
小閣如舟岸上臨幽徑透迤楓陰合餘花寂歷寺囊重  
蟬聲催暑天將午嵐氣成寒山易陰萬里歸來錦囊重  
勿辭醉誦  
峽中吟

送內田博士銀游于美洲八月二十六日時米  
價踊貴亂民蓋起

萬國方戎馬神州誰弄戈良民為盜賊富戶奪綾羅中  
夜行人少青天警騎多非除生理苦難阻怨咨歌博士  
成均雋潛心經濟科往觀堅陸土茲駕大洋波咀嚼西  
儒說救痊東極痾歸來請教我足食法如何

送佐藤學士廣治游學禹域九月十七日

藤生游太學素志抱高尚刑名違世趨禮儀充我餉乘  
時觀異邦雄心何其壯澄霽瞻秋旻舟楫駕溟漲勉勵  
明昭質皇天有嘉貺願子作瑚璉獻之廊廟上

九日龜山登高十月十三日

肅殺金天賓雁翽淒淒風露下林皋授衣何處催寒織  
對菊幾年孤濁醪水石鄭王推氣韻座有江上瓊山杉  
野儒山二畫伯  
文章李杜吐牢騷登高難盡平生興鞅鞅征人欲襲袍  
席上用長尾子生所攜憚南田畫菊扇題詩韻

率賦

霜花采采泛秋英爽氣西山不可名憶得孤斟范陽晚  
林林黃葉旅魂驚

輓香巖神田翁信二首五月十日  
醉五日辛

歲暮窮陰逼清霜餘翠筠風流空洛社煙霧隔桃津  
崔尚叨推句王翰許卜鄰生平知己感已矣獨傷神  
才名馳上國好古樂餘年耆舊今凋落文章日變遷  
虛懷容晚輩臨老愛佳篇華祝嘗違約蒼茫詠輓聯

寄題福島氏名甲子三號晚晴越後長岡人讀雪樓

不貪高臥安無待寒光假訪戴每歸來上樓書靜把

輓富岡君名謙藏為文科大學講師戊午十二月二十三日卒年四十六

風流公子貴不幸見天猜罵座存豪骨賞春揮玉杯  
玄間俄駕駟三長未施材最憶循陔恨黯然使我哀

十念精舍小集二首行樂社吟集此為其第九次時戊午十二月二十九日

也日

將士堂堂奏凱歸祥雲正見海東飛愧無椽筆歌王業

僧院撚髭倚竹扉

揚雅抗風雄思飛斯文寧可委衰微歐西民氣狂浮甚

放桀誅辛事日非

河堤

河堤霽雪晚徘徊至後新寒春未回湍竹驚風濤勢動  
林松含日鳳形開青山爭擁青山出白水斜將白水來  
詩思無須驢背上行歌杖策興悠哉

追憶五首

書劍當年西入秦歸來倉卒歲將新文章愧乏驚人句  
山水思抽羈世身日照黃河明九曲雲開華岳落高旻  
至今遺恨遭霖雨不向畢原披棘榛

秋老已辭王粲樓春來又訪闔閭邱花開南國佳人盡

木落荆門客子愁漢室三分聊復爾吳娃一笑孰能留  
東風吹綠俄回棹恨不聽猿泝上游

昔聞騎鶴入揚州余亦嘗乘邗上舟微雪紅橋楊弄水  
春風廢寺麥埋邱迷宮不覺隋家夢白塔徒成清室愁  
明月長空依舊好司勳狂態竟難求

楚北越南多水鄉晨聞打鼓夕鳴榔題詩虹棟晴川閣  
聽雨篷窗白塔洋夢裡不知家國遠尊前且愛楚些長  
何時重上剡溪路飽看溪山雲樹蒼

憶上越王句踐臺湖山表裏雨中開高原草碧鷓鴣亂  
古壘花飛麋鹿哀雲樹蒼茫生聚地風流蕭索詠觴才  
右軍林竹放翁閣今日天東首幾回

歲暮八首

沈寥天地慘窮陰浙瀝風聲園樹林鴻雁哀鳴雲斷續  
魚龍潛蟄水幽深夜窺青簡燈光暗曉拂霜空劍氣沈  
擾擾人間唯促老愁來聊作暮冬吟

困窮四海日相催昭代寧無變理才人道齊民爨桂玉  
吾悲古道沒蒿萊饑禽棲止危巢仄離獸吽號亂穴摧  
獨立荒郊霜雪至寒天惆悵首慵回

近日財雄朱頓狂鸢輪電掣截康莊石家爭碎珊瑚樹  
桓女連齋錦繡裝海北林邱凌艮嶽竹西歌吹壓維揚  
何如寒巷詩人富樓閣華嚴彈指光

忍將名教比輕毫瀛海狂風捲怒濤都講似誇鑽穴巧  
頑童競習偷香豪草廬誰抱臥龍志蘭砌頻煩青鳥勞  
更有鄭姬懷芍藥黃墟醉殺紫葡萄



連年兵馬萬方同輪挽蒼黃老弱窮久厭歐洲龍戰野  
 忽聞瀛海鳳鳴桐三王臺殿荒荆裡六國旌旗曉日中  
 安得躋民仁壽域乾坤翊戴 聖皇功  
 弭兵盟就尙屯軍歲暮歐洲未絕氛隴上執矜總陳涉  
 岐陽來鳳孰周文西民自古無忘已東海于今獨奉  
 君春色蓬萊看已近遙依北斗拜仙雲  
 先皇在御歲時遙嘉穀滿篝風雨調貔虎騰驤幽朔野  
 鳳鸞翔舞舜堯朝修盟玉帛輶軒盛垂教誦弦丹册昭  
 垂涕每趨桃阜路恍瞻 神駕度雲霄  
 嗣極 今皇文德敷拱垂何復數唐虞濟時姚宋和民  
 志論道召周弘帝謨猛士防冬乘埃障勳臣錫寵使桑  
 榆定知尊俎能寧謐閒殺憂天一腐儒

大正八年己未 四十二歲

己未元旦二首

紅雲擁日曙光新喜躍豈唯王土民萬國盡銷兵馬氣  
 一家雞犬共迎春  
 三歲始逢京洛春插門松竹色鮮新妻兒圍桌偕稱壽  
 椒酒一杯甘我貧

聞中山白崖親和掛冠賦贈次其詩韻

桃李始嘗栽柳池柳池校名為京都小學教育之祖清風橘院幾年吹

君為大學事務官 執務醫院頗久欽君晚遂歸田志林下逍遙好詠詩

送島華水文次航往西洋

文學家聲久乘春作遠遊花嬌經北美月淨入西歐危

國王逃走空郊鬼嘯啾君看興廢迹賦就早相投

上苑春日

上苑風微韶景明繚垣徐步弄新晴流鶯近囀誕生井

宮東北中山第址有祐井係明治天皇誕生沐浴所用云垂柳深藏御覽櫻在宮西

門內垂觀賞云法林表青山霞淡淡池邊淺草水盈盈

行廚士女多遊樂仰見皇天德澤平

春日過禁苑偶成

桃櫻半綻草新萌黃鳥隔林三兩聲北苑春光堪賞處

辛夷如雪照顏明

御苑紫藤花

禁苑風柔午日光老藤垂蔓紫英長拖筇探蜜忘歸去

吟客狂蜂各自忙

八幡祠

八幡祠外草萋萋時有斑鳩恰恰啼簾肆貪聞村媪話

不知金棟日將西

北郊京洛園摘莓實

莓熟郊園紅玉圓提攜兒女摘晴煙雙籃易滿欣其大

萬顆盡肥驚許連下盃糖霜皚屑屑繞匙瓊液紫鮮鮮

滇南荔驛知多事妃子須栽梨圃邊

芳野七首

春遲芳野雪初消次第花開張絳綃昨夜平安櫻已謝

幾回飛夢到南朝

芳野櫻花天下聞風光戶誦國風文直從山口連山與

一白茫茫都是雲

金峰宮殿草蕭蕭長憶 君王恨未消花白延元陵下  
夜依然月色似南朝

黜屏猶見梓弓歌髻塚荒山暗薜蘿平日不揮丈夫淚  
今朝感慨為君多

忠臣遺烈壓花王萬代千秋名姓芳屏上梓弓歌一曲  
無人不泣意輪堂

老木蒼巖園數弓荒祠忍說是行宮夕陽誰與論心事  
立盡磬殘花落中

父子英雄護塔王四櫻猶放萬年芳惡詩不及盲詞壯  
安得李華賦戰場

次福田靜處韻卻寄 五月

憐子憐妻子傷春新寄詩葬兄歸有我習卿兄三月奉  
廿七日逝

母養于誰花木空揚色山河相助悲缺如行樂興久廢  
手中危

送武內宜卿學士義雄之支那

寂寂春將暮征帆逐去鴻藏書尋柱下問俗到江東絃  
誦今何在烽笳尚未空待君回棹日興化壓文翁

東山春雲樓宴別歌

大正己未夏五松本羊亡小川如原勝三博

士奉命航往歐洲亡羊先生將經南洋印  
度如舟先生則深入露南行邁有日而田

子銀博士偶到自歐米於是西京大學文  
學部僚友相謀設宴東山春雲樓洗塵送

旆余亦在座作長句歌之五月十六日

諸公挾冊上講堂儒雅春容英風昂鳴金戛玉在東序  
人文陵鑠漢與唐紫鳳銜命自東至雄飛八方各聘轡  
余也生晚廁其間聞之浩蕩動壯思亡羊先生今學宗  
內典外典羅心胸窮理之餘探石窟摩挲畫壁剝苔封  
江南塞北芒鞋遍南海身毒思印蹤希羅又作城墟弔  
使我神往伴瘦筇如翁平生縮地術環九萬里裹糧出  
片石穿萍鴻蒙前海滋幽討原人室萍果羶羊笑尼宣  
崑崙縣圃事皆實乘槎煙濤入俄南唯恐山中滯王質  
原侯矯矯卓不羣縱橫史論舉世聞跋涉應同漢太史  
觀察不比吳季君近時德邦議和睦白野法山豁戰雲  
聯盟竊疑暗蓄患未知乾坤能掃氛卽今生民爭衣食  
邪說橫行過楊墨辨王斥霸多牽強正理公是復誰得

雞鶩翔舞鳳在笈朱門肉臭儒菜色爲淵鰈魚臥積薪  
冥思仰天幾嘆息新歸可悅田博士豈啻讀書徹表裡  
經國濟民意所傾舟中講說海洋史足食前年會請益  
東航一記眞予起諸公所求非細小源委糾錯理窈窕  
展效邦家請勉旃臨歧無奈勞心悄洛陽五月萬木幽  
簾前置酒東山樓迎來送往感離合飛觥未已月上邱  
忘形賓主語交膝明日雲帆去難留暫別不用惜黃鵠  
早歸神州恢皇猷

題福田眉仙所畫秦川秋旅圖卷 六月

眉仙手持一卷圖百里命駕來訪吾示吾秦川秋旅畫  
忽覺雲山湧坐隅憶昨來往長安市日傍秦嶺與渭水  
今觀此畫盡入圖游蹤一一可歷指積雨始霽氣鮮新

瓜田不飛青門塵南山回望青若黛灞橋楊柳黃依人  
橋東遙看新豐樹嵯峨驪山臨大路鴻門不知排闥處  
華清泉滑噴成霧銀海金棺土一堆皇帝枯骨空黃埃  
驛樹引行華州道渭水漸遠華山來崒崒三峰摩天上  
決眦亂雲心胸盪劉徹求仙竟難求承露空傳仙人掌  
潼關形勢擁湯池一夫能當百萬師今古英雅幾成敗  
路傍唯留楊震祠當時此地我經過往往抽思詠詩歌  
豈若畫手妙揮灑片紙尺幅收山河對此再作秦地想  
彷彿駕車踰坡陀我固昧畫何說畫君畫既似脫流派  
西技工形貌其意南法重意形則敗西技併取南法神  
不怪沈著兼痛快君更攜有蜀中卷從橫掃卻天邊棧  
精緻能伍范李徒疎淡堪比倪黃選蜀中山水我未覩

推此神似不待辯方今圖畫頗多門幾人真知造化尊  
聞君近將遊吳越歸來知必奪化根題君此圖悵歎息  
世上畫師何足論

東矢野一學士 六月

羣盜入富家強奪散倉庾赫赫執明炬放火及牖戶主  
人袖手觀煙光照鄰宇鄰人急出救舉椎壞牆土鄰人  
爛額奔主人瞋目怒何以壞我牆牆壞汝速補鄰人仰  
天歎主人一何魯以子偏疎虞致災延我柱子災子所  
招我災我豈敢壞牆不得已我欲護我堵壞牆論區區  
危堵實爲汝近者膠澳事引例可比伍野兄有卓識前  
年遊費府寄信托飛鴻深衷向余吐同嗟鄰交疎論陳

張旗鼓

學士寄書曰我之於韓支也非本意攻略也歐  
美諸國倚依其積年之財富樹立所謂經濟的

帝國主義者歷迫亞洲日漸一日而韓支兩國所為則  
 能自立當是時苟欲免西人之侵凌我今日之國弱衰不  
 萬解不得已也若兩國有識之士未次言風教衰師道類商  
 賈衆庶智未開議政權難予學士書曰甚而彼遂未能  
 其地位者以彼恐失其職也余故曰教育不振之患存  
 于教育化爲專門職業今欲教育之振興則莫若使世  
 且先知教育之可貴也教育猶下言貧富爭慷慨淚如  
 雨驕富恣殘忍救貧戒莽鹵勞者若無慶富者焉多祜  
 學士書曰勞勩團體一說世論囂囂其說無必不可雖  
 然至要莫若使資勩者其害不獨止于勞日之態度夫  
 資本家之虐遇勞勩者其害不獨止于勞日之態度夫  
 勩者亦足以馴致資勩者其害不獨止于勞日之態度夫  
 言言出肺腑自我不見君春秋四代序依然恥阿蒙企  
 言思踵武情懷付蕪章波濤暗遠浦裁書向君去知君  
 定何許讀史倫京郊問俗法都圃歸期應不遠客土慎  
 寒暑待君回棹時往來數相親嵐峽林如錦琵琶湖繪似

縷同共傾一杯從橫揮玉塵

送岡崎櫻洲學士

文游學支那 六月

跋涉山川志始舒浮雲天末渺愁予拾遺猶未成三賦  
 太史終應著八書秦塞寒煙征馬外吳江落月泊舟餘  
 安危論就裁風雅待汝佳篇付鯉魚

嵐山洗心閣社集分韻得心字

寂寞招提境友朋來遠尋晴煙開綠野湍水帶幽林鳥  
 睥窺人影室虛生道心嗒然忘我處似聽采樵音

又得初字

檻前幽草秀花餘林下青楓葉盡舒文囿竝驅洗心閣  
 一時人物憶黃初

追懷叔山衣洲

己未七月七日在阪寒山寺設筵追悼

詩酒相知海島村予識君在臺灣山林賴見布衣尊春風對坐

總如夢蛺蝶翩翩南菜園園在臺北城南郊數里即藤園兒玉將軍別墅也君時寓

此于

贈羅叔言次其留別詩韻二首羅詩云八年浮海鬢成霜魂夢

依然戀首陽他日盲翁傳話柄小臣有墓傍先皇

滄海橫流怯履霜忠臣誰復起南陽如今唯有采芝老

卻自山中思漢皇

蓬山采藥久經霜復駕雲車發海陽無乃先生嫌地淺

故將移住近羲皇

次惺軒博士詩韻

戰罷陰陽未必和狂風四海見酣歌足兵足食事寧小

教地須揮回日戈

答包敬士先生

夢裡常相憶別來年又周空望四明月又隔墨沱鷗東

土衣冠盛西京山水幽儻回千里駕塵耳洗清流

至洲本訪從兄江口雨田雷次郎軍醫留宿書懷

二首八月二日

五六年來迹如夢濤聲松影感偏長相逢畢竟先何說

君病雖閒我伯亡

窗裡併容山海光盤中又見菜魚香天倫樂事尤堪羨

兒漸成人母故鄉

夏日偶成

湘簾如水暑威加庭樹炎天影不斜孰與先生勞涉獵

蝶蜂爭趁碧梧花予時寓鶴山巷樓前有老梧一株

始舉男兒志喜且言期望因以命名兒泰平以

二十六日午前八時生

墮地擁懷非錦綉呱呱疑已不凡聲顯揚先祖尋常事

庶使東方致泰平菱華學士惠和云頭玉碗出繡縵

四海風雲

菱華學士青木宗太郎次余夏日偶成詩韻見

寄乃疊韻卻寄學士詩云蒼梧翠竹影交加遙

獵中年吾已鬢生花

往事蒼茫感慨加酒詩君每墨痕斜中年何用嘆霜鬢

夢裡須生筆底花

見菱華學士所寄香浦畫信片因憶霞浦舊遊

而賦次前韻

岸樹汀煙碧轉加櫓聲咿軋片帆斜分明猶記湖天曉  
滿目芙蓉出水花

菱華學士再寄詩乃疊韻卻寄三首

近來狂杜酒量加想見階前醉步斜玉樹芝蘭識多少

揚州休賞竹西花此首聊戲之也學士再疊韻云閒居

文人才子夢即今祇有眼生花

江湖載酒興逾加一棹乘秋忘日斜定有吟懷如白傅

夜深蘆荻出燈花

潮去潮來潮勢加素帷白馬月輝斜何時大洗磯頭閣

斗酒雙螯弄水花學士三疊云舟入潮來詩興加紅樓

菰蒲未著花

下鴨里糺林清心軒鴨祠官社集探韻得支

鳴里糺林清心軒



會者惺軒愛山誠二首 八月二日  
堂藤山洛東及余

穿樹清風渡水吹簾前蟬咽擁杉枝閒房半日堪逃暑  
三五同朋來賦詩

滿街車馬逐涼颺臨水縛棚傾玉卮恰是都人歌舞地  
方逢我輩苦吟時

和寺町愛山雅移居詩

平生文史惜三餘卜宅新從滿架書未必秋風憐寂寞

草玄將見子雲居愛山詩云都門作客卅年餘辛苦支  
貧未賣書今日秋風吹我冷笑從黎

巷賦  
移居

和菱華散人詩七首

散人用予花字韻凡十疊寄來予乃酬之  
曰高和十章愈出愈妙兄將用楚人雲梯

之攻僕亦不屑鄭伯肉袒之降聊復賡數

首勿惜郢斤之弄

文氣酒量老更加勿言前路景光斜糊塗今我甚於子

誤把菊花為茵花和四疊  
百年但是夕陽斜叮嚀責子徒為耳

只合淵明  
醉菊花

佔畢幾年清職加每歎文教日衰斜餘生唯欲勞刪述

無意兒曹榮帽花酬五疊  
官陸賜寵榮加從是清塗不陂斜應

有述刪酬聖代君  
家五彩筆頭花

粵脚燕伶譽互加金蓮蟾領柘裙斜何圖千里東西隔

君賞碧雲吾晚華夏華字  
予在大阪中央公會堂觀梅劇今

肆彙文堂輯品梅記予為繙譯云梅八所演崑曲玉簪記  
琴挑一齣和六疊原倡序云八月念四日淺草吾

妻座觀支那女優趙碧雲三氣恍聽王劇雲歌其辭曰美阮人  
鉦鼓樂聲加羅綺登場繡幙斜恍聽王劇雲歌其辭曰美阮人

妖血慘如花

中歲獲男鍾愛加憐他豐臂玉筍斜放縱或似離羈馬

防護恐如窖裡花 謝散人賀予生兒兼酬之

錦街啜茗雨聲加甫里論詩日脚斜春去秋來同賞幾

池邨黃葉墨隄花

洛地風光秋最加山林張錦碧溪斜祇將待得替生到

同喫川魚賞葉花 右二首和七八九疊舊遊天王寺作七疊云麥綠菜黃春色加天寺

雨後酒澄江斜吟行攜手廿年夢扁舟斜村南去塘上春正偏

緩棹飽看今滿岸花九疊賞御苑霜楓紅似花原離宮十疊外

路斜飽看今滿岸花九疊賞御苑霜楓紅似花原離宮十疊外

予無和作原序云東京驛前僕之西園寺老侯門之地是

日日倡酬詩興加破顏一笑兩肩斜元輕白俗何須問

情極真時筆化花 又疊前韻 菱華寄詩云公與丕才

君當任消夏聊為競筆花且曰以此為大團圓

讀袖浦竹枝寄菱華散人 散人時自稱 仍用前

韻

海門嘯傲巨杯加嶠角日移猪鼻斜似把沈瀼勸我飲

天西八朵嶽蓮花 兩竹枝詞原五首今附記其第一第五

注云通袖浦誰言無土宜河東獅吼海西風河東句原

浦平沙千頃開遊人散盡暮潮回夕

陸文正先生第十三回諱日書懷二首 九日 三日

十有三年流若雲世間橫議益紛紛操觚枉許春秋筆

不見至誠憂國文

咫尺容顏儼若存蟬聲樹色易傷魂茫茫今日吾誰適

來哭先生埋骨村

領得文學博士學位書懷 九月三日

平生學壘欲高攀世上名聲好是閒  
叨伍羣賢稱博士何如身列古人班

嵯峨郊行

蒼空秋日淨野竹帶晴煙  
柿熟逢兒打栗香聞婦煎平原行欲盡峻阪忽當前  
已辨清瀧近淙淙脚下泉

清瀧

幽境環峰底清溪斷峽中  
巖湍翻雪白霜葉染花紅魚影數平石鳥光入碧穹  
悠悠濠上意不復問窮通

中秋大雲院社集三首 十八日

人生行樂耳宜不問窮通試見雲間月  
弄輝盈缺中

月白無雲影清光地上流  
年年今夜色不及此中秋更深雲散盡  
衣袂夜涼通倚檻難成句青天月正中

又

同社人皆集堪繼昔賢流  
明月團團影能賞幾回秋

送小川如舟博士西航次其留別韻 十一月十一日

樹葉染丹天隕霜壯心浮海復投荒  
九州君已嗤鄒氏一枕吾空夢帝鄉  
象鳳林間秋弄影珊瑚水底曉搖光  
異風裁入轡軒語待托飛鴻寄震方

送物庵理博再航歐洲 十一月十一日

東海流通西海流飄然乘鶴問前遊  
俟君變化鍊丹術為解黃金白髮愁  
君在京都大學主相學講席王維云黃金白髮終難變黃金不可成李夢陽

云黃金白髮愁殺人

己未歲晚二首

嘗住東都學簡編  
西京卜宅亦悠然  
今宵屈指渾如夢  
自出故鄉三十年  
頭痛涔涔憶陳檄  
牀無蟻鬪耳雷聲  
自忘憂苦憐渠小  
半歲病兒連叫鳴

豹軒詩鈔卷七

豹軒詩鈔卷八

北越 鈴木虎雄 撰

大正九年庚申 四十三歲

庚申新年

息馬放牛天地新  
困窮萬國奈斯民  
朱門白屋休爭鬪  
東海須迎別樣春

賦得歌題田家早梅

隱映茅簷與竹籬  
春光深淺數花知  
縱然風雪逞威虐  
開自南枝到北枝

萩野和庵由博士以其所著禹域游艸詩卷寄  
示賦謝

憶昨曾探古九州文章愧未錦囊收一篇禹域行游艸  
仰見元龍百尺樓

贈曾田文甫

號靜庵周防人居相國寺北門手寫孝經一千本願人新築講堂名

曰勸孝頃者市上獲山本亡羊所製茶碗名曰勸孝碗

洛北有奇士日臨明義篇自居名教地常樂月花天林  
外溪三曲窗中山半肩笑持勸孝碗傾酒又煎泉

賀野上雨峯翁

名知哲僚友俊夫博士殿君 六十

躬陟六旬母八旬兒爲博士宦成均不知清福何由得  
定自一家和樂春

兩山詩伯壽蘇筵席上

二月初八

仲春陰曆臘猶殘高閣登臨靜凍湍風節當朝思氣骨  
文章謫海捲波瀾尊前知己曾誰在壁上遺容今我看

冥漠神交讓山老且逢斯日共成歡

送鶴陰織田博士以帝國學士院會員奉命出

赴白耳義

扶桑初旭照崦岫鴻博輶軒絕海馳到日講論凌白虎  
昔年吟醉解金龜深懷孤憤韓非子分說三權孟德斯  
劫後民情何處定歸來應有計匡時

春日雜詠十首

秀麗山河冠萬方崇蘭轉蕙見風光乾坤一夜櫻花發  
天地化成錦繡鄉  
鶯黃楊柳帶紅霞流水金溝響不譁遲日暖煙芳草裡  
人人來賞上林花

鳴水西來鷹水東鳴鑿漱玉映蒼空流花時點浣紗上

第一橋頭楊柳風

祇苑祠東老樹櫻春來爛漫滿山明  
都人何以酬花績  
付與黃苔邱一成

平康院院自春風墮髻泣粧裙子紅  
相約與歡攜手去  
東山總在百花中

金鞍玉勒躍青驄嘗屬嫖姚西破戎  
今日昇平無事甚  
看花來上梵王宮

飛樓結閣俯溪泉朱塔青山花欲然  
賽去賽來清水寺  
綺羅男女盡神仙

豐公廟北竹煙青僧舍磬殘聞誦經  
松外山樓無限好  
更無人訪郭公亭

清水南行是彌峰石梯千級出雲松  
韶華堪比醍醐宴

廟下花深紅雪封

日日看花日日忙人言我是爲花狂  
家居悶殺杜工部  
鄰近恨無黃四娘

庚申天長節

萬國和平歌大康 三宮影下拜容光  
外人何解神州  
事實祚長於天地長

賀小川

鄉太

博士新婚

同本芙蓉並蒂新雙飛孔雀和鳴頻  
從今共住瑤池上  
待見桃花萬遍春

瓢亭飲集迎青山鹽谷先生

時敏

爲賓

七月

秉燭東山夕薰風侍坐清文章憐寂寞  
道德仰崢嶸逸  
興游魚躍高歌宿鳥驚蒼茫過二紀  
猶憶向陵情

題大石良雄頌牡丹圖 為東京義士會屬

太守擊劍毗欲裂高家貪奸面濺血柳營弄兵法所禁  
君侯吞恨入泉穴五萬世封竟難保復讎倡義倚邦老  
不為私室留兒孫卻頌花王貽舊好瑤葩瓊藥綠衣裳  
年年春風吹天香工人寫出畫圖上名花忠臣共流芳  
池谷觀海曰唯是平敘然於收東處見搖曳之趣

清閑寺聽鶻偶述 七月十一日行樂社集課題

近聞鞞鞞信凶獍逞橫虐 時有尼港事變 同胞七百人殺戮屠  
且磔街屋破燒盡渠溝流血碧慘淡古未聞怛然驚我  
魄今來清閑寺喬木蔽山澤西望鬱陰雲杜鵑聲裂帛  
汝亦識我情冤鬼與共惜嗟誰招此殃咄咄肉食客

村居雜詩十二首 八月

雞鳴東窗白鳥雀驚我眠披衣著矮屐逍遙籬落邊離  
離樹上日依依草際煙候蟲送曙急欄花帶露妍稚女  
亦來到相攜步園田田區雖不廣野蔬畦自連蜀黍八  
九尺芋莖十餘聯錯落紫茄大縱橫黃瓜圓采擷滿衣  
筐相顧共欣然阿母理上膳滋味勝擊鮮自我違此境  
倏忽三十年或恐迷往路徒貽賢者憐何時遂初服悠  
悠全我天 池谷觀海曰野趣盎然攜子歸省侍老親人  
間至樂莫過焉詞穩語圓尤見真情不可掩矣

晨行東郊道四面盡水田玉露溥稻葉清風吹白蓮已  
見耕耘者荷鋤向遙阡丈人與我語止步視禾巔今歲  
風雨順嘉穗秀挺然若無螟蝗害秋穀必有年薄酒聊  
可飲買布不乏錢質言有妙味使我樂忘旋 池谷觀海曰敘老農

言氣味近少陵然其筆致安舒之處自是作者之本色

歸家始數日故舊叩柴扉因話近年事事與往違東  
家問張老新墳竹柵圍西家問李二墾田北海飛南家  
問阿玉已嫁織寒機北家問阿桂長病氣息微老者固  
已矣壯者且日非天道有消長不宜說祥禳保身願強  
健力作防寒饑生生善孫子一家雞犬肥無事把耒耜  
有事著戎衣上奉 聖天子下能養庭闈邑子苟若此  
足以揚國威吾意亦至樂何歎舊識稀

池谷觀海曰敘事周匝工整前

半問訊之處不違應接一轉善譬暢喻諄諄切至其德薰人也可知矣

世態貴驕奢里俗與時移途逢一壯漢靡麗公子姿戴  
帽非麥稈襯衣是織絲戒指黃金耀葉卷紫煙吹操縱  
自轉車雙袖孕風馳小農初入贅駿馬絡金羈中農新

嫁女寶裝十輛隨況聞吉凶禮杯盤糜鉅資借問何由  
爾賣米富其私米價雖踊貴費大必有虧鬻田買股券  
冀獲市利奇奇利未及獲股券價不支多陷囑儉計蕩  
產失所施豪家益兼并貧家益窮疲嗚呼戊申詔奉行  
者是誰池谷觀海曰近時上下驕溢無度此弊不救則有衰頹而已此篇敘閭里之狀委曲而徹確乃知北越之地亦猶吾暇也可以供大正風俗史之資料  
斷非徒作矣又曰驅筆而下若騏驎走熟路珠玉轉金  
翁必將言公蓋撰大正繁昌記也

者剋上賦

農家元朝禮里正過門首隸曰里正過主人先候久跪  
坐積雪上拜送額加手尊卑昔若斯故老誦在口今人  
說平等上下復何有事事相犯校物物失制守謙讓為  
卑屈復戾以誇負不見露與支御馬索已朽

池谷觀海曰所謂下



憶年八九歲膝下學讀書朗朗十百遍厭厭已倦余童  
朋四五輩喚我立庭除令嚴不得去曉淚潸潸如孤懷  
存往事歸臥有敝廬戀戀視屋樹歷歷教訓初所愧為  
人子顯揚少孝譽

舍西長樂寺寺南一小邱是我先塋處喬木參天幽我  
祖眠其下我父亦茲休隔田望隴畝墳墓鬱環周墓中  
多相識悲風下松楸人生若朝露形軀難久留不有身  
後名百年徒悠悠池谷觀海曰第五至第九大率彼幼  
時嬉遊事此詩獨異望先世墳墓而  
感慨係之其調在  
漢末魏晉之初乎

舍北竹馬逕田野別成寰吐穗禾麥盛桑條綠堪攀極  
目江樹外削碧見彥山風景依然在今我獨往還池谷  
觀海

曰語意蕭散  
味乃不盡

少時好垂釣一竿曉出門野徑薔薇發江岸流水渾始  
求渟瀟處巘岈老柳根輕風吹釣絲視筌終日蹲漸見  
蚯蚓盡轉苦蝦蟹繁欲去偶舉鉤不覺大鯉翻追思當

日事其樂不可言池谷觀海曰  
僕實同此感

長日聊乘暇冒暑曝簡編父祖勉校讀手澤見附箋珠  
玉韞櫝裡不知若干年我若不鈔出蠹散化雲煙兀兀  
役楮兔忘卻汗如泉池谷觀海曰父祖積學積德而世  
多不知博士今日蔚然成家僕知

其淵源之  
遠且深也

餐後一沐浴紵衫熨糊新手搖白團扇涼榻雙脚伸清  
風林下起屋月皎如銀豈獨家眷屬笑語雜比鄰秋稼  
熟幾石嫁娶畢何春不知有貴賤何問富與貧夜深各  
散去皞皞太平民池谷觀海曰意態歸閒綽清風明之  
之下為良夜之笑語真得皞皞如之

趣

兄弟十四人家寥寥唯餘二鞠育母氏勞惟予居其季憶  
 昔童蒙時貪果膝前戲唐詩若干篇微吟使我記和歌  
 小倉選背誦幾覆試駕乎柳母賦勝于荻畫字母氏今  
 八旬矍鑠稀比類聊欲共家慶會鄰設酒餽願母保椿  
 齡孫子永相待池谷觀海曰豹軒博士村居雜詩十二  
 首起筆母氏理食膳以會鄰祝母氏為  
 卒章首尾呼應中敘許多情趣表面目隨變煥乎近時文  
 壇之偉觀也僕不啻以詩見之表其母氏之賢家庭之  
 儀與博士至性之美以  
 勸世人取範於此云

歸鄉

客子年年來省闈村中轉覺故人稀低頭無語茅簷下  
 落日寒蟬悄倚扉

過鎌倉極樂寺村九月九日

籬落薔薇長海煙不知孫女戲堂前濤聲嶽色依然在  
 苦屋秋風十四年

悼小島義卿義卿一號松石其廬在長樂寺南九月二十九日

寺南誅縛小茅廬野色蕭蕭松石居骨是近仙耽飲酒  
 心常憂國愛觀魚肩隨相待通家後琴絕俄遭落木初  
 鄉老年年凋瘁盡何堪北望哭喪車

江齋社集十月二十七  
 日是夜月蝕

江齋洛社例相看良夜來追文字歡東嶺雲消明貝闕  
 中流水動湧銀盤已憐靈雨洒餘白復惜貪慕吐後寒  
 共在人間見盈缺不知天月本團團

又

不見中秋月幸逢今夜明蝦蟇忽來食似惡十分盈

鳳岡祭酒春雲樓讌集六十二日月

歲序屬窮陰輿情抱悒快邦廩未云盈人有勞生想大  
賢領成均三事常掖獎公堂自從容幽襟固曠朗東皋  
延彥英層軒就清敞林木斂霞彩澗泉細鳴響衆山遙  
對酒遠水平如掌文侶各相命雅才何澹蕩教原或在  
斯豈惟翫物象卽事歡調同探懷詠心賞

庚申守歲

窮陰歲節復遭逢感往猶思來日悰券紙始焚半生債  
書塵且掃一年封芳香杯泛涓涓酒綠影門交細細松  
懷裡真如魚縱壑微吟坐待五更鐘

大正十年辛酉 四十四歲

辛酉新年

雞鳴日出海天紅金殿衡茅曙色通自有山川環紫極  
亦看梅柳映寒叢萬方玉帛同盟後六歲干戈載戢中  
朝賀獨悲停例御連傳內召下 儲宮

若王寺矢土錦山先生祭筵七月七日

麴巷當年問字過英魂一旦返山阿寒梅香冷若王寺  
猶憶鳴鳴酒後歌

和膽山翁八十自述二首

已過古稀又十年年年歲歲累加年悠悠詩酒娛情性  
容易春風迎百年  
古皇二萬八千年彭祖傳聞八百年誰以先生爲得壽  
蒙然猶是稚童年

清風閣壽蘇筵贈雨山主人十一月十七日

年年攀古飲山閣復來過哀樂何時已風流此日多清  
尊傾北海豪興壓東坡屋角斜星漢尙聞湛露歌

漫吟三首

一日狂風三日雨出門何處認春光輕紅未上櫻花杪  
惱殺柳條催淺黃

貪着看花忘老催平生不飲亦攜杯應門多鎖君休笑  
一日出門遊幾回

鄰寺櫻花已滿開祇園花發例同催追隨滾去看花隊  
遮莫紅塵拂面來

輓高野竹隱四月十日逝

野老詩名久京門晚識君清高巖竹秀幽墨谷蘭薰幾

共淺深酒細論今古文可堪蒿里曲哀奏向春雲

送小柳柳柳子司氣之支那

春風冰未解借問是何時覆卵毀鸞鳳連根剗葯蘿景

山哀宋子黑水憶湘妃君將入西伯利歷訪興亡迹應揮淚萬

絲

陪默容師薄遊宇治作五月十日

飛錫來相訪京郊薄共遊一篙山水綠孤寺石泉幽問  
理忘塵俗論心繫世憂不嫌歸去晚渚坐對閒鷗

詩仙堂石川丈山二百五十年祭追懷成詠二

首五月十三日

一曲淒涼蟬水歌戰場歸去老巖阿嘯樓明月梅關雪  
林下清風依舊多

三十六仙楣楯間野巾相對一身閒風流何獨論辭句  
心術不容王半山

夏日草山寺

在深草里僧社集六月二日

梅天漏日破淫霖負郭青山曳杖尋疎石小庭閒草色  
幽花密樹好泉音逍遙不隔前賢樂寂寞長思獨往心  
欲弔遺墳何處是三竿翠竹鳳悲吟

哭佐賀東周學士

君學于大學卒業後住持建仁寺兩足院

鴻都才雋盛逸足固空羣歸佛仍聞道篤行兼好文竹  
摧新積雨鵬破綠堆雲老宿凋衰日何堪更哭君

山田岳陽

謙吉贈金陵遊記賦謝七月

吳楚江山宿債殘歸來三載賦遊難臺城楊柳鍾山月  
翻向金陵記裡看

題阪東貫山所畫泰山四時小景四首

翠柏紅牆廟貌雄風煙直與帝居通羣靈絳節朝天迹  
總在冥濛山色中

采藥誦來玉簡文蒼崖下聽澗芳薰奔雷忽過泉聲大  
鶴出松巢人入雲

榭楓霜染半林丹山翠分明映錦湍斜谷晚風翻白紙  
登登遙響打碑寒

日觀晨躋叩帝宮雲天嘗指海波紅幾時能更凌風雪  
燒糞煨芋石室中

山中遇道士

追憶

碧霞道士好容姿手執山中三秀枝自說經過秦漢代  
又逢清帝奉禋時

華神堂社集四首

堂在等持院東蘆田某氏別墅七月二十四日

常歎一字貧猶愛苦吟身  
半日僧房坐詩成願有神  
逃暑似逃貧西東遷此身  
竹林風忽動水檻欲蘇神  
雲生竹不貧涼影欲埋身  
急雨懸簷瀑池魚躍有神  
憂道不憂貧應當吾黨身  
請看文字底誠實感人神

觀音寺

在泉涌寺北八月一日

山閣平臨碧樹梢  
北窗甘受亂蟬嘲  
人間苦熱渾忘卻  
枕上清風自在交

碧梧吟六首

隄前梧樹十餘尋  
白日炎天碧葉深  
我輩不須勞苦詠  
蟬聲替作鳳凰吟  
屋矮暑天蒸蘊隆  
祇依有汝蔽炎空  
婆娑枝葉分寒色

阻絕塵埃送冷風

不鍊金丹不羨仙  
聊安所止任彼天  
吾家自有延年術  
梧下枕書白日眠  
或有隱几寫解嘲  
未能焦尾伍簫韶  
多翻月色優脩竹  
早報雨聲同碧蕉  
夏花撩亂華簪仄  
秋子累垂黃玉攢  
樂府言辭微託興  
門垣出入美人看  
我家鄉里南軒外  
亦有高高許大梧  
王父先生聞手植  
每逢風月憶彼株

園木雜詩十首

辛酉八月歸家起行庭中樹有舊行皆往  
昔父祖弟兄之所愛植悵然動懷遂成十

絕句題曰園木雜詩

東井傍生一柿樹枝如碧繖四邊開猶思卬角趨庭日  
秉燭深更摘實來

老楓呼做奧州簾形若鶴翔葉細尖憶得當年風月夜  
先生對此弄吟髯

春至辛夷花盡開條柔葩紫照蒼苔摩天上壓公孫樹  
聞道太姨幼日栽

紅櫻瓣復還堪愛社後年年發豔芳何日半幹被砍去  
籬東應近減春光

綠陰全就樹扶疎早有新蛙鳴繞廬細雨花明紅躡躅  
年年五月照堦除

梧碧南軒曉日涼捲簾庭木自成行可憐含露團團影

篁底一叢花紫陽

梧邊原有黃金桂年久葉疎樹漸衰彥嶽先生恐其死  
倩人栽向北庭移

先人遺愛紫薇花何事至今猶鎖葩昨夜南風炎暑劇  
朝來已見泛朱霞

北庭老柿四三圍秋晚果紅映白扉味澀不蒙凡俗賞  
大兄借號意尤微

百尺喬松隣柿蒼梢頭明月皎如霜唯今館廢風光改  
無復青衿倚檻望

還家

還家不是錦衣身儒服蕭條感慨新冒暑歸來緣底事  
爲尋八十倚門親

贈姪終一入營

為將為兵何足論戎衣一旦入營門忠臣孝子途非二  
勸汝平生服此言

訪小林士維於今朝白郊居

長岡城東  
八月二十日

一別恩恩十六年交情相見每依然清談剪燭今朝白  
地滿地清香階下蓮

習卿兄墓

雖告弟歸魂不回墓門新樹幾徘徊哭聲難徹黃泉底  
手捧秋花掃碧苔

小島義卿墓

神劍峰青返照前江村喬木尚依然不堪鄉老年年減  
獨立無言墓畔煙

送人之朝鮮二首

箕邦赤子盡王臣惠澤須敷率土濱里巷有時逢父老  
為言幾處尚頑民  
江上荒涼箕子祠山川滿目盡含悲君行猶幸逢搖落  
不見春風麥秀時

頌四章 九月十日

帝子西遊辭 聖君樓船凌駕海天雲觀風二萬三千  
里開國以還曾未聞  
鐵艦堂堂度海洋仙旌四訪德威揚黎民盡仰真王氣  
萬國齊瞻皇極光  
萬歲歡呼溢道遠人人迎拜綠門時乾坤已動昇平象  
天日煌煌 太子旗



今上之儲 先帝孫東方累仰 聖人尊將來定見真  
天子紫氣已當仙洞屯

湖月

湖天逢月上山寺最宜秋一片玲瓏色無邊浩蕩流

杪秋遊嵐峽坐大悲閣惺軒博士同往十七日

惺軒博士今經師廿載論交我肩隨往往出城遊伴我  
此日復遊嵐峽陞嵐峽秋老山色靜桂川水落禽聲冷  
扁舟溯洄棹碧流百尺潭倒錦樹影棄舟直上大悲閣  
俯視喬林指棲鶴龜山倉山近來追夕霽遠天明城郭  
我生平日厭囂紛每來山中輒欣欣苟乘興時乃命駕  
同賞同調幸有君雖則同賞異其旨我翫其象君其理  
葉落花開觀物情鳶飛魚躍愛流行洛橋聽鵬邵康節

霞池吟月王文成我于數公固無分偏臨風景命欲拚  
文章千古聊自期窮通禍福多不問仰頭偶見風雪軒  
吾與點也有孔言坐軒端拱恭默默詠歸之意此暫存  
嗒焉忘卻歸路暗一杵晚鐘驚二魂

辛酉臘月出南驛敬候 攝宮駕二首十三日

憂虞問寢潛淵際孝敬上陵躬祀時萬戶旌旗臨閣道  
九天霜露下瑤池行瞻日月扶龍馭近報乾坤裁鶴師  
翊戴 攝宮民意一神州振古勢無移  
天寵神州靖四方 祖宗縣德及 儲皇已從鴻典攀  
宸極仍自青垣攝國綱京洛山川生景象園陵草木有  
輝光今年微命尤多感出驛再迎韶樂長

儲皇攝政告陵畢 駕入大內賜謁臣民余職

叨學官列忝參進感恩紀盛二首十四日

上林霜木帶冬曦，鑿輅輕颺向殿移。  
緬想五雲回御座，周傳百辟序朝儀。  
入簾蒼翠山河色，負屐端莊龍鳳姿。  
震位乘圖天曆數，贊颺令德苦無辭。  
萬古銀潢一派流，金甌無缺是神州。  
羣方漸拱天中極，寶位今瞻殿左頭。  
日色忽臨華絨動，珮聲徐向玉牀幽。  
彤庭荷寵真何幸，咫尺溫顏陪列侯。

鳳岡祭酒山亭宴

陰陽短景又相催，高閣聯翩共上臺。  
漢室文章推董馬，梁園賓客憶鄒枚。  
江邊木落橙螯美，天外霜寒鴻雁來。  
擾擾浮生多感慨，唯當一笑盡歡回。

又三首

金鑿草制天囚子，玉案修文竹隱翁。  
聚散一年猶不測，喜悲須付酒杯中。

往昔嘗從鄴下歡，高談不覺曉星殘。  
今朝重上東山閣，冰日淒涼鄰笛寒。  
鄰邦社稷干戈際，絕海風雲涕淚中。  
士氣銷沈憂不細，河流砥柱待諸公。

又二首

木侯文字飲鉅製，客能裁酒後吾才。  
燈前歲感催奔泉，回砌去落月入簾。  
開夜久驚投轄沈吟坐，覆杯主人豐清饌。  
上客續鷗盟，鄭帶交情重。蘇書逸態生，天  
低星繞閣野遠。月當城漢史如朝奏，少微應有名。

冬日香泉寺十五日

一徑紆餘度遠疇天寒微雪到林邱恰如迎客山爭出  
絕不逢人水亂流載筆送窮車在座持經說法石低頭  
菅公祠宇還鄰近指點北門梅竹幽

又賦

古寺依南野松門傍水開雪峰高入座煙樹遠連杯香  
喫文王歎詩吟菅相梅崢嶸逢歲暮愁壘忽焉摧

吉祥院天滿宮

菅公遺宅舊郊畿殘樹荒涼帶凍暉玉潔泉寒留鑑井  
堂封塚古識胞衣百年魏闕雲難散一夜荒關梅自飛  
宰府昔曾垂涕淚經過此地更歎欷

浴城崎溫泉二首

學者伸兮覽者起齋藤拙靈泉一浴勝諸方未知能換

仙凡骨日日澡來御所湯  
山蒸靈液送奇香一客不來燈影長無事深更將就睡  
探巾又試第三湯

大正十一年壬戌 四十五歲

蓬萊四首

日出海門天地分煙濤盪激綺成文何知萬道虹霓氣  
盡向蓬萊作五雲  
蓬萊仙子掣金鼇直駕海風凌雪濤局東笑他任公釣  
蹲山旦旦守漁篙  
海上珠樓十二重紫煙長插玉芙蓉數間茅屋堪高臥  
住在蓬山第一峰

餐霞吸露飲瓊漿披著天孫雲錦裳一曲簫韶為君舞

蓬萊今見日重光長尾兩山曰豹軒博士寄示近什標

殆是天際仙吟絕非人間凡響

賦得歌題旭光照波六韻

滄溟窮髮外翕輦破鴻龐低拂樽桑幹橫懸紫貝宮陽  
侯神不旺海若意殊融未晉渾沌黑初臨上下紅垂文  
流地軸騰采薄天穹會見龍鼉侶浴暉朝極東

人日寺町愛山集成書屋招飲惺軒萬里大江文城

二君在座主人詩先成次其韻凡二十二疊

昨枉城南高適書春筵來趁詠詩初常思道義全貧裡  
未必文章出緒餘薄飲銷寒人日酒載驅乘興午時車  
他年故事長相憶山紫水明三樹廬主人做居係賴子成山紫水明處

椒酒辛盤四擁書休言得句不如初主人詩賦恥王後  
座客風流似晉餘醉裡乾坤對松菊閒中日月傲軒車  
誰能今古同強項共上賴翁修史廬

傾來美酒對奇書人品自然思古初公等何生秦火後  
吾徒聊續楚騷餘難將明鏡藏霜髻欲繫長繩縛日車  
聖世狂歌非俗物無妨痛飲步兵廬

偕老夫妻愛讀書一枝棲穩卜居初漢官多出刑名輩  
魯士裁存禮樂餘下酒每披班令史采樵時御鹿門車  
蘆簾紙閣鴻光隱疑是匡山白氏廬主人夫妻

姚江一卷伯安書攻苦近來公厥初魚躍鳶飛窺道奧  
花紅柳綠表心餘舌鋒闢擊陶猗窟筆勢摧殘楊墨車  
獨怪漆園叟相好應知仁義是蘧廬惺軒博士

江君沈浸閩關書問委尋源洙泗初講究文章希聖裡  
品評風月哭兒餘衝天紫氣雷公劍指路縉雲織女車  
靈藥海南知就否別來想望葛洪廬萬里教授

不厭儒書與道書詩從唐宋遡黃初高歌流水青山外  
長揖夏絃春誦餘緩轡頗驅少游馬無錢能駕廣文車  
兩衙朝晚趨槐市亦似出廬亦臥廬以下自詠

平生宿好在詩書憶我趨庭受課初堯典善忘加楚裡  
周南背誦斷機餘子喬有意乘雲鶴司馬無心誇蓋車  
墳隴蒼蒼松柏長年時夢繞故園廬

雖玩詞章服聖書持身先慎得喪初退之何訴僕芻急  
子美不追杯炙餘樂育英材聊就器行逢衰老即懸車  
願將蹤迹如雲水故國尚存顏闔廬

奔競少年繙蟹書逐流趨末失原初自誇歐米斗山說  
多是翟朱糟粕餘纔治技方非國士緣求利祿簇公車  
如斯為學真何用不若荷鋤耕草廬以下時事  
大夫名姓上刑書習俗堪驚異往初法弄文章寧太末  
人無廉恥問其餘朱門漫羨封侯宅鐵鎖終乘城旦車  
選舞徵歌酣宴夜豈知窮苦泣寒廬

名媛往往誤通書識字焉知失禮初秦史教簫乘鳳兆  
江妃解佩采蘭餘華林亂逐彈金射紫陌爭迎擲果車  
一氣雙煙何處所博山鑪蕪綠楊廬池谷觀海曰涉時事者色稍關獨第

十二極出色文字

春來愁接海東書秦楚強梁盟會初歃血未能宴王母  
揭旗猶見動夫餘百年難奈異心面六國焉逢同軌車

將欲舉觴謳聖代風塵沓至賈生廬

憶向雍州攜劍書蕭蕭匹馬入關初黃河東走川原壯

秦嶺西來地脈餘豪傑真堪開帝宅戍兵空見叱民車

皇天不欲生人息諸葛隆中未出廬以下憶舊遊澹關

江南霜隕雁成書林壑正逢搖落初五老巖屏雲裂後

彭蠡水鏡驚飛餘香爐懸瀑明條練玉峽奔湍殷萬車

臥病只今春雪裡楚天回首憶匡廬廬山以下博士之海

色才大識高誰望其片鱗

攀崖傍壁剝苔書布韞草鞋遊歷初白鹿入林明月滿

黃龍望嶺晚霞餘陶潛宅畔寒衝雨慧遠塔邊昏駐車

遺恨至今愁未到濂溪祠廟樂天廬同右

變化常欽逸少書越中想昔蟻舟初茂林脩竹肥遯地

曲水崇山觴詠餘夕照碑亭欣賣字冬青野寺懶回車

寒塘處處羣鷺白我輩疑為道士廬蘭亭

髣髴龍門太史書會稽南鎮到來初青山突兀秦祠古

片石離奇禹穴餘漚紵即非西子裔采樵或是買臣車

霞城蔚蔚天台近仙路雲埋劉阮廬禹穴

成敗長想吳越書姑蘇城外暮春初夫差亡國蛾眉後

皮子泛湖烏喙餘玉勒公孫驅白馬榴裙美女駕香車

綿綿恨逐萋萋草共弔西施與闔廬姑蘇極推斯篇而余

則不自安也

上官何奪左徒書想見靈均憔悴初山鬼女蘿幽憤極

美人香草不平餘愁深帝子沈湘淚夢逐荆王辭郢車

賈傅異時真作配長沙祠廟共同廬長沙屈賈祠

不問故鄉疎雁書西風河洛往來初一川黃柳新霜後  
萬馬青山落照餘懷古長歌伊闕月登高能賦虎牢車  
梁郊最憶追高李俯野吹臺醉舊廬 河洛

連吟嗟乏腹中書擲筆呼天窮返初無厭聲牙生硬調  
還成劇目鏤心餘曠懷求友高常侍屏氣敗軍李左車

趙壁翻然標白幟三朝謝病臥蓬廬 又贈主人平生池谷

豹軒博士之文辭典麗富瞻今二十疊韻愈出愈妙蓋其才之美能運蘊蓄或淺或深或遠或近有不盡長

乃木將軍夫妻祠堂二首 八一月

將軍祠下淚新揮野樹湖雲天四圍鐵馬靈山摧敵壘  
香鬢赤坂伏朝衣全家血肉皇天報二烈英魂此處歸  
楠族盡忠同一轍雙懸日月護王畿

先備三棺復一棺四魂殉國寸心丹風雲猶訝馳汗馬  
環佩長思乘素鸞茅宇衡門武侯陣 祠右有將軍所舍旅順陣屋一字  
麻衣墨經禮宗冠 晉皇甫規妻死後人祠前巷陌傳圖畫之號曰禮宗  
畫凜烈威容萬古看

桃山陵

先皇陵墓倚桃峰玉樹青蔥繞壠封天日高懸神道淨  
春煙近映祀壇重兩回遼朔勞兵馬一代伊周輔袞龍  
西極卽今論偃武廿年追憶感遭逢

東陵

皇陵東去拜東陵鬱鬱新林佳氣凝豈有芻蕘驅雉兔  
轉知風露護松藤長孫文藻傳歌曲 長孫氏唐太宗后歌曲言金剛石歌  
明德儉容愧練繪 明德後漢皇后也配極承天陰教盛行人垂

涕到今稱

青谿觀梅絕句七首 三月十日

月瀨梅花天下聞  
籠牢山嶺夾江濱  
何圖咫尺京郊地  
見此青谿萬樹雲

竹籬茅舍倚邱園  
向背瑤林香雲溫  
行到水窮山盡處  
梅花以外更無村

林深禽靜水珊珊  
晴雪薰風吹不寒  
妬殺谿頭梅萬樹  
又添峰下竹千竿

遠映山青近映霞  
日高枝影弄龍蛇  
予何志小無他願  
每遇梅花欲置家

數聲雞犬白雲間  
餐玉飲泉心自閒  
試臥青苔堪獨笑  
梅花梢上見遙山

梅村行盡又梅村  
谷谷冥濛花氣昏  
縱使鶴歸迷止處  
香雲流出不知源

功名富貴慮都虛  
唯願身強歸故居  
繞屋種梅三百本  
月明花下讀仙書

東山清風閣邀飲金拱北 紹城 陳衡恪二君賦贈

次湖南前輩韻 五月二日

奔泉喧薛砌碧樹壓紅燈  
畫理參松雪書風憶永興  
賴君神淡泊教我氣飛騰  
伴作王孫在 言陳君 更深更拂綾

金君見贈云車書扶大雅心理共明燈被教俱涵化聞  
風亦起興丰神朝日朗典冊夜光騰繪事慙微及何辭  
綾十幅

鳩嶺社集 五月二十八日

南風吹綠野鳩嶺共登臺  
林外三山秀 比叡桃山 闌前



二水開木津淀川金梁瞻廟宇八幡祠雉堞俯蒿萊淀城址神德  
名言絕緬思稱霸才豐太閣

席上次中田洞北顯藏韻

崢嶸嶺閣俯潺湲樹遠沙明野色閒借問城中名利客  
幾人伴我詠江山

光明寺社集次隱元詩韻二首七月二日藜隱元詩云杖藜

躍動秋聲惹得源空太有情不是一番風雨至光

阻明雨

阻雨一詩金石聲奮然猶是楚狂情年年我輩嘆衰鳳  
欲說胸中竟未明

溪風帶雨送蟬聲簷際斷雲來去情半日僧房詩思苦  
幽林忽透夕陽明

光明寺卽事二首

名佳粟生野入寺境何幽禽鳥欣深樹雲煙擁古樓松  
聲猶廟宇苔色自林邱長憶高僧苦勿嗟生未休  
古寺鐘鳴齋飯時讀來題壁隱元詩亂雲飛雨聽琴瀑  
近嶂遙峰相對宜

山行

大悲閣下逕崎嶇邁步雲中要杖扶不及兒童黃犢健  
先登絕頂遠相呼

湖寺賞月

玲瓏湖寺月赴約是中秋一片冰輪影無邊碧水流涵  
空開大鏡散彩結瓊樓偏訝深潭底弄珠龍出遊

河橋翫月

橋下清流金破碎山頭明月鏡飛來愛惜清宵不能寐  
三更風露獨徘徊

送神田鸞盒喜一郎遊支那九月二十三日

我離禹域已經年諸子西遊互後先要見中原河嶽大  
更思三代聖王前

東山無名庵賞月四首十月五日 古中秋

良晨多易雨日夕怨天公望月何邊好試遊鳧水東  
黃昏東嶺黑雲氣坐來收一片玲瓏月同懸萬里秋  
月出碧雲間天虛意自閒清風吹桂影香動滿青山  
年年賞佳節能得幾回同多少人生感卻生明月中

菊有黃花四章 章四句 十月三十一日

菊有黃花其色維鮮純芳不歇吾 皇萬年

菊有白花維鮮其色皎潔不移 后壽無極

菊有枝葉其影扶疏振振 宗子永保孝譽

鮮鮮菊花我采其英泛此美酒以樂太平

檜谷先生久保雅友報屋後種豆遭兔害賦寄奉慰

先生時在高野山

讀餘閒事學耕桑屋後豆苗三尺強何料缺脣來嚼齧  
遙思縫掖坐悲傷陶家籬落雖蕭索楊子園田豈穢荒  
見說根荖生意在終應上膳伴鹽漿

對月寄懷檜谷先生用前韻

高高白月出扶桑風色依然今夜強天上流輝他自得  
人間易老我空傷翻飛烏鵲海雲杳斜轉星河城樹荒  
幽室廣寒定相近願攀仙桂寄瓊漿

秋野漫興二十首

曉日照霜郊霧開天地曠前山蒼翠明半出疎林上  
喬樹臨官道樹下卽門前借問君生計聽水又看山  
笑語喧南畝農人飯午晴驚飛黃雀散廬井桔槔鳴  
靜視清川底臨風弄日華繚回螺印土郭索蟹行沙  
曼珠華一枝不識誰遺失流入碓泉來上輪旋又出  
紅蓼冒陂水蜻蜓接地飛歌清郊路永村女采樵歸  
紅顏新嫁女素襪事田疇情欲歡憐愛野花插滿頭  
月生遙野暝雲斂高天碧素足映寒流洗蔬塘畔夕  
寒灘鳴濺濺岸樹老傾欹落葉沈浮去睡鷗流不知  
刈稻比鄰忙守家誰浣濯垂垂園柿紅隨意鴉來啄  
滿車黃蔴蔴穫稻向秋場日脚低平地兩邊樹影長

一碧秋天淨嘉禾滿曠原歸牛遙似石落日赤如盆  
野渠水清淺人去斷橋斜自在閒花草繁生映嘴沙  
洲岸蘆花白殘陽紅在河行人爭渡罷童子騎牛過  
野渚覆蒹葭水回魚子集傍生老柳根翡翠拘拳立  
漁子竹竿裊大魚振鬣斜細鱗慎休出鷺鷥集圓沙  
梁稻謀方急葦蘆托作家雕籠鸚鵡飽豈識雁飢沙  
落照殘喬樹煙生黃葉村牛羊歸已盡燈火欲扃門  
晚歸披露草徑暗日沈西橘柚寒煙起時聞洗馬嘶  
田家多逸樂地靜古風存何日能歸臥白雲黃葉村

月

雨霽園林秋氣清遙空月出已離城玲瓏萬里雲無影  
寂寞中宵鵲一鳴固識廟堂常食肉怕聞關塞尙屯兵

高樓少婦多愁思休向鴛鴦機上明

月八首

皎皎天邊月脩脩地上風流光與清氣振古固無窮  
自識君顏色悠悠幾十年悲歡常伴我今後亦應然  
徙倚鳴環佩階前草露幽可憐天上月空照漢宮愁  
明月如明鏡青空一片團照來天地極不寫妾心酸  
邊月如弓散雲空大漠閒將軍今夜夢逐北度陰山  
思婦樓頭月清光關塞連幕營霜草白照否枕戈眠  
月明征戍遠夜永坐裁縫不覺剪刀冷霜結木芙蓉  
憶殺貧家月穿牕影散錢母兒顏若雪三日竈無煙

皇后陛下行啓大學恭賦三首十一月十五日

玉輦晨行出鳳闈雍門迎候拜鸞旂松青遙映朱帷繞

楓錦徐隨金穀飛學門奉迎

松楓掩映淨晨霜秋日暉暉照石堂碧血丹心忠義士

牘中各自說尊攘駕臨尊攘堂

新陳器物列縱橫綵繡仙裳近架棚漢代竈形埃及

像幾千年上見人生文學部陳列館

小倉山社集倉山亭觀楓二首十二月三日

歌仙祠下已深秋亭樹荒涼石徑幽無復騷人來訪古

楓殘菊瘦夕陽愁

衣冠餘事選風謳想見山莊林苑幽坐聽蕭蕭時雨響

錦楓飛盡不堪秋

富嶽三十二首壬戌歲暮作

聖子神孫一派流皇家無缺是金甌邦基不動名山鎮

長映仙城五鳳樓池谷觀海曰自是首章之語

蓬萊宮殿五雲重松柏金溝翠色濃劍珮鏗鏘趨闕曉

青天擊出紫芙蓉池谷觀海曰紫芙蓉三字妙

上排雲漢嶽蓮開不數漢家承露臺似獻君王無限

壽秀容先泛御前杯

湘南別館避寒宮臘後悠悠頤聖躬莫使醫方勞藥

餌蓬山咫尺有雲通

湘海煙波鷗夢安沙汀玉步弄晴瀾凌空一萬三千

尺時有至尊含笑看

仁慈餘暇重蠶桑供養晨昏守御牀偏識椒房憂意

切仙鬢故侍玉簾傍

日月重光照海東仙城盡在五雲中葱葱佳氣連山色

直自青宮接帝宮

日照天衢旌旆閒西來嶽色禁城間祥雲冉冉隨銅輦

知是青宮朝闕還

青宮別殿屹霞關瑤草琪花竹樹間鸞鳳行知巢阿閣

曉來晴雪對西山

諸王列第若翬飛瓜瓞緜緜振古稀一脈宗支同大嶽

萬年藩翰護皇闈池谷觀海曰總收自是卒章

大麓雲霞紫翠重孤高絕頂雪常封傳聞帝女飛花後

化作蓬山第一峰

天祖照臨除草萊君臣一體古先開安河恐在斯山上

八百萬神曾會來池谷觀海曰奇想天來

瀛海蒼波萬古流花明錦繡繞仙樓晨昏最有蓮峰美

倒影青來六十州

糝糠周漢蔑虞唐  
皇國治風冠萬方  
代表雍雍君子象  
雲天發作嶽蓮光

東溟光變紫葡萄  
紅日初升曉海濤  
流彩動搖來貝闕  
嶽蓮天半五雲高

曾凌絕頂瞰煙洋  
日出金霞萬道光  
雲擁朱輪龍偃蹇  
乾坤始見大文章

看盡西東千萬山  
孰如東海劃仙寰  
玲瓏八朶芙蓉瓣  
插在九天閻闔間

東方不二最高峰  
翠袖素冠仙子容  
海舶遠來先指點  
無人不說玉芙蓉

五十三亭行路難  
風光偏愛嶽蓮寒  
函關晴雪松湖雨

幾度詩人駐馬看

拍拍濤聲打岸回  
長汀極浦望悠哉  
垂楊煙雨漁村夕

衣白仙人迎我來

徐福東遊指此山  
塵緣不得叩仙關  
秦王枯骨金棺冷

空待扁舟采藥還

池谷觀海曰以下藻思煥發眩耀人目正如入崑岡逢羣玉

漢武金莖霄漢間  
露漿焉得駐紅顏  
終然俗骨非仙骨

古洞桃花笑此山

生無寸地賃人樓  
五尺昂藏死則休  
尚有胸中林苑樂

東海為池蓮嶽邱

萬丈丹梯亦可攀  
入雲採藥出雲還  
誰言我屋風塵近

咫尺門連海上山

海上仙山接我廬  
晴天每見五雲車  
跨鸞吹笛飄然去

白日來尋王母居

王母招余飲玉漿彩霞春色百花香窺園無用偷桃實

九億萬年天壽長

仙韶縹渺碧雲間舞袖如霞九彩爛麟脯龍羹瓜大棗

身參瑤宴第初班

層閣雕梁七寶欄美人如玉集雲端夜深庭際將何見

月宿三千雙白鸞

太空如水月華清寥廓不聞環佩聲獨有風流王子晉

碧桃花下坐吹笙

名聲不用下方聞日戀仙山五色雲定有石函金匱在

我將巖穴葬吾文

未必平生慕玉皇太清何事惜文章峰頭夜半聞天語

封汝册爲香案郎

前身不問是太白後身不論金粟仙吐盡胸中盤薄氣

直乘鸞鶴上青天池谷觀海曰稱軒學士往年登嶽賦詩江湖傳稱筆力絕于一年今忽

接七絕十首更復接二上爲十餘首其富也通覽之則初

出入以爲章末二首一轉往交游仙之語蓋以吐

於不入離不即間者適藉富嶽而漏其蘊蓄也故結以吐

盡胸中盤薄氣直乘鸞鶴上青天不可謂匠心緻密

壬戌歲晚陪鳳岡祭酒清風閣宴二首十二月廿一日

東山閣夜靜林塘洛社風流逸興長平日所懷非寵辱

斯生堪托是文章揮絃天外瞻鴻影秉燭尊前伴菊芳

高會不論催歲暮籠紗舊句續來忙

杯行節序任流波坐久衆賓顏自酩四海論交知己少

一年良會賞心多偏宜遲暮依巖桂寧可清時賦女蘿

屋角星傾鴻雁度喜聞主唱白駒歌

清風閣雅集卽興和鳳岡祭酒詩三首

年年風雅宴復此倚高欄愛客思文舉摛才愧子安巖  
排奔礪急雲斂斷鴻寒醉我峨冠仄偏依禮數寬  
孤亭依絕壁高會擁危欄同慨文章替深思社稷安風  
標松竹健意氣斗牛寒要使經綸得須振五教寬  
風霜嚴東樹河漢轉平欄礪凍魚深匿巢傾鳥不安北  
溟悲盜賊南嶽憶饑寒連引深深蓋爭教愁肺寬

又二首

蒼蒼松柏色我愛後凋寒不願膏粱味怕違菽水歡乾  
坤斯道貴猿鶴故山安焉得成初服非嫌儒士酸  
代謝驚時運蕭條屬歲寒屢蒙前輩遇漸減少年歡昔

夢雲霄逸今思雞犬安調羹大臣在無用問甘酸

壬戌除夜

孔氏遺言存典型開宗諷誦自髫齡燈前不覺年將盡  
夜半聞鐘校孝經



豹軒詩鈔卷八

Blank columns for poetry text in Volume 8.

豹軒詩鈔卷九

北越 鈴木虎雄 撰

大正十二年癸亥 四十六歲

癸亥二月四日移居自鶴山巷移寓二首

漸老無牆屋搬移每自嘲新鶯非出谷舊鵲借居巢室  
小圖書定牕虛梅竹交漫期風月夜友好或來敲  
舉家總九口籤架十餘間破屋堪容月登樓況見山對  
書吾道貴隔竹鳥聲閒後圃開荒徑求羊待往還

岡本觀梅五首十二月二十五日

萬樹梅花倚甲陽風前綴玉送寒香笙歌聲裡春如海  
怪得仙鄉有醉鄉右次曾田靜庵韻

二月甲陽春已回登臨花發半林梅誰能付我愚公力

移取溪南雪一堆右次小野櫻山韻

風入亭帷蘭麝香瑤雲天地是斯鄉泛杯傾盡梅花酒

好為吾曹沁酒腸衆摘梅花泛觴飲之

孤山處士獨憐梅蜀合江園客續來君有幽林兼二意

年年花節向人開以下二首贈園主增田君自注

山田百頃接書樓泉石不喧竹木幽清貴如君真可羨

世人呼作萬梅侯

次山田岳陽步月韻

月出梅村一鶴歸空濛白氣玉成圍誦君詩句花相似

無限清香來襲衣岳陽詩云天籥橋邊步月歸江村野路淡煙圍乾坤如水心如玉一氣空

明映白衣

彥嶽兄五年祭日賦奠三月二十七日

哭君猶若昨歲月忽四周家事稍可喜聊以報冥幽萱堂尙强健遺室亦督郵仲季守故轍諸族無患憂偏歡姪學仕將班士夫儔時春草木秀表墓阡新修戚朋遠來會俎豆奠庶羞冀神儼來格昭鑒垂庇庥

脩姪大學卒業慶宴志喜四首三月二十八日

學業非容易悠悠十四年崑山新折桂我意始怡然聞喜諸賓至春風共舉杯先兄雖不在阿母笑顏開張燈春夜宴花閣醉歌情阿母翻翻舞可知歡喜情青年登仕籍前路浩茫然臨政主忠信生涯好慎旃

吉祥院村看菜花絕句九首四月二十九日

五日曾無一日晴閉門岑寂老殘櫻悶來先東城南寺

欲賞菜花千里明

孤塔峻嶒弘法寺蒼松翳蔚菅公祠黃雲圍野菜花遍  
繡草徑邊回首時

梅花清絕托窮山桃李豔芳無意攀孰與翩翩雙蛺蝶  
悠悠相逐菜畦間

丞相祠門苔徑斜林塘無客老春華照顏躑躅如猩血  
茸紫風吹燕子花

清泉汨汨井欄長脩竹亭亭野日光十畝城南留故宅  
晚鶯時節拜祠堂

麥氣連天雲雀颺霞山如夢菜花黃風光宛似集賢里  
誰解來修綠野堂

隴畝男耕間女桑尋花蝶去欲斜陽負笻歸路炊烟遠

日月東西野菜黃

清世猶傳鬪富貧只今誰是濟時臣菜田若變黃金海  
天下恐無窮苦民

挾册常嫌城市譁攜壺好去弄烟霞新晴恰有南郊約  
盡日僧房看菜花

題畫

遠寺鐘聲動空原落照閒牛歸芳草外不出菜花間

曳策

曳策逍遙野水濱暉暉日暖物容新嬌花山外紅催霧  
弱柳橋邊綠著人

偶成

江湖思魏闕紫綬戀青山不若乘元氣乾坤恣往還

南鄉江樓題壁 七月二十九日

前山送翠氣疑秋南注湖川似不流風扇嚼冰市門客  
清涼孰與水邊樓

和鳳岡先生歸家

水碓淙淙聽不喧依然桑竹是吾村紆朱敢易文章貴  
垂白長思父母恩天上風雲看每變籬邊松菊喜猶存  
欽公行李恣恣裡且把孝經仔細論

詠懷

磁石引鍼鐵葵藿傾太陽庶物有本性伊余懷忠良致  
君堯舜上願見變陰陽伊呂久寂寞金張徒跳梁春華  
雖翕絕秋葉忽焜黃美人亦遲暮衷心悽以愴 池谷觀  
海曰溫  
柔中包筋骨詠歎之際偶足以  
見其深思氣味其晉之諸公乎

雜詩三首

山雞有麗毛

山雞有麗毛刷錦臨綠水終日顧其姿目眩以溺死誰  
謂痴可憐知己孰如己內足不外求華彩唯自恃道德  
固至尊文章非小技願言傲斯禽弄影明鏡裡 池谷觀  
海曰世  
無知己則獨自養自恃其志特為可憐矣但至特其美  
而致死則僕不取僕寧樂之而終者也立意不與僕同  
耳虎曰亦各從其所志而已

山木多自寇

山木多自寇蘭膏常自煎班揚附王寶宋陳頌則天古  
來文章士幾人守貞堅白首戀軒冕暮夜媚貂蟬頤使  
黃閣下屈道勢要前卓哉陸敬輿巍巍王佐賢導之納  
軌物建極法皇乾制詔出倉卒躬當艱難年典謨羅胸

臆下筆輒沛然高躅一斷絕自爾五姓遷池前舉班揚海宋

陳先敘其醜而宜公之賢愈明矣慕宜公之賢自是日  
意結餘意不盡作法參差筆致謹嚴僕服其佳構又主  
頤使二句及典謨  
二句割愛如何

荆棘覆嶺上

荆棘覆嶺上松柏秀澗底以彼尋常姿蔽此凌雲體非  
由材力高地勢使乃爾何況寄生枝非復荆棘比一朝  
俱飄風高高至岵岵若無喬木依蹂躪羊牛趾軒車何  
赫奕冠裳何綺靡觀者避路傍揚揚夸毗子行潦雖無  
源泛濫游鯁鯁蚊虻託騏驥倏忽超萬里池谷觀海曰  
揚揚作觀海曰  
刪行潦四句以未了語為收束則如何又曰不在方今之  
世作茲種之詩恐無顧之者流俗詩人之所不顧即今之  
僕等之逍遙游地  
又無何有鄉也

劫餘雜詠六首

忽焉亡

當昨大震坤軸搖天晦地霾捲迅颺滿城火烈誰能禦  
卅萬人家三日燒頽壁仄柱若禿髮廢墟渺茫狐兔窟  
南自芝浦連台邱青者殘煙白人骨窮氓狂走號求食  
板屋佳人鬻金翠富貴榮華忽焉亡幾歲復見興市肆  
池谷觀海曰此篇用白描法正見  
作者之憮然自失悲哉禍災矣

哭天兒

跣足走者誰家兒裳衣殘斷四肢疲髮焦額爛哭不已  
涕淚如流交兩頤昨夜猛火燒老屋煙中恐惶失九族  
陌上問人人不知東搜西索猶未伏殘夜沈沈河漢傾  
喬木風死鶴鷓鳴播間冢崩飛燐火似聞爺孃喚兒聲

池谷觀海曰字字皆淚不堪卒讀事悲情切故出以短  
章愈見其痛末段極悽愴至似聞爺孃喚兒聲天地為

動鬼神為泣  
人誰不斷腸

晨行

晨行東觀阜仰屍官道傍膚裂血濁漉面垢泥髮蒼爪  
 指如攫物拘膝似螳蝦蠅蚋止顙額不知姓李張胸前  
 挂片楮鉛字兩三行云是韓土子乘災夜穿牆險心毒  
 人井哀哀遭殺傷行人顧唾罵或故以穢嘗嗟汝蠢爾  
 輩雖頑亦吾氓竊恐天漏處荆棘窟虎狼鴻澤未感孚  
 所以昏作狂君子貴自反警惕在履霜池谷觀海曰乘  
人之心洵洵遲其

乘艦 九月十日

乘艦芝浦口侵曉客蛸集兵卒查官符余亦手提執移

凶惡彼等之罪不可道斬戮固其所矣此篇先寫乘市  
之狀結以勸戒之誠正堂堂正襟批之又曰哀哀二  
死也未妥或作紛紛如虎曰哀哀二字所以憫彼之  
死也未尾君子二字亦指肉食者讀者請勿誤會

艇有後先機動不假楫浮城屹海天亭午始相及艦勢  
 鬱峨峨懸梯數十級兵曹捷猴猱扶援雁行入軍吏問  
 貫籍舷門秉簡立甲板囂以紛舷右下塵笈布幄護曬  
 陽板席防沾濕側帽我箕踞顧裳客拱揖四點汽笛長  
 傳令拔錨急鷁首截雪濤噴薄驚蛟蟄所遇千百艘桅  
 檣遞重疊食貨關西來足以充供給馳騁帝王城觚稜  
 空嶺峯焦土杳微茫殘煙眇蕭瑟風色濱埠遠波光賀  
 邑出一客前致辭未語雙頰熱曩者濱埠災事變起倉  
 猝鞠然萬家壞巨焰同時發保甲因剗刃脅乘火烈  
 路上阻行旅斬殺不問詰白晝姦婦女飲酒吹竽築颺  
 言韓兇來嫁罪蔽其實君子請望前塞嶠波滯汨嶠麓  
 即賀邑人家盡蕩失女生數十人崖崩隨埋沒于今踰

旬餘沙土未掘撤拱手聽客言衷懷交驚惕嗚嗚幾旬  
 民何以爾艱脆艦中晚傳餐脫粟團團餽當此倉皇時  
 見羞魚羹滑固無箸與孟掌持紛嚼齧枵然飽飢腸感  
 恩難備述夜來風怒號天黑雨脚密幄雷飛瀑成板座  
 濺浪溢防濡蔭張繖邁步憑牽絆踰踉似奔魚失手即  
 顛蹶孝子侍老翁先志問愁疾少婦伴新姑讓席圖容  
 膝或有緼裸兒呱呱索乳切或有裹傷鰥呻吟斃斃恤  
 賦命雖不齊掀翻同一轍無告誠可憐感歎更嗚咽終  
 夜耿不寐延佇聞蕩潏或勸進艙寢未忍獨寬豁萬家  
 方流離數口少全活我寧憚苦艱幸已免燼滅東都遺  
 三兒西京隔親暱消息各蒼茫且歸訪蓬筆近聞 九  
 重憂頒帑賑飢渴內廷亦減膳丁寧戒般逸朝野經緯

忙勵精首輔弼孰敢肆怠荒國運未可詘揆日經輻道  
 斷斷采松栝版屋築椽丁崇明柱榼乞園陵儼有神佳  
 氣動鳳闕必見帝都隆康莊蹄輪結市壓珠寶連宮殿  
 衣冠列梯航來侯荒禮樂遍郊術四海共驩虞寶位永  
 無缺周道我復瞻頌聲期黼黻池谷觀海曰乘艦一百二  
十言蔚然其第一字分爲四段起浦賀六句所謂過所  
逢船泊是說其第一字分爲四段起浦賀六句所謂過所  
處以入客諸人之慘狀是其第二段自艦中晚餐至風濤  
之暴同乘諸人之慘狀是其第二段自艦中晚餐至風濤  
密復與是筆力第四段且大法不用然篇之法完備而可森嚴又曰  
尾段中以十數者

婦罵夫

昨夜壯風濤今入清水港晨霧豁前巒尙餘波浪盪甲  
 板客爭臻艦腹機舵響行篋各有攜擠排相忙慌有婦

罵其夫聲色悍崛彊解苞擲帶衣散亂珠翠晃倉卒火  
震時行李待汝掌汝物獨自珍我物若鹵莽夫聽恚且  
瞋咄咄袖右攘舉拳毆婦頭摔髮抵地搶而後厲聲云  
狂婦費弄吭故意誰敢然眼見有阿丈恨不飽海魚面  
赤益慨慷舅老勸婦言阿女無禮象四座羣目周勿復  
說誣枉痛哉伉儷間私慾如草長當此患難秋洗潰起  
兵仗豈獨一夫妻人心嗟放蕩海兵扶余降危梯四五  
丈移艇馳悠悠岸近聞板榔池谷觀海曰市井夫婦語  
罵相爭狀宛然躍出若觀  
境一場之劇唯散場後寂然無譁者夫迴浦遠上博者偶之經此  
亦幸亦不幸又曰余平生貴老杜者何風流三昧入詩  
必關涉家國時事余次大災可歌者何限即采以作詩  
皆足補史之遺而不得人之為詩人若吾軒博識  
有通當世曉事理不望於詩人若吾軒博識  
者果有幾人乎博士曩有團圓篇今又矯健寫其所欲  
罵三章神味老杜而不一襲面貌筆力矯健寫其所欲

寫如水走雲行余已墜若投  
筆任其獨步真可畏矣哉

團樂三十日

遺甥迎三兒三兒歸自東其姑及祖母相送亦來同倒  
展及門戶團樂一堂中焉知非夢寐視定動我衷憶赴  
東都日本意祭舅翁舅家始稅駕問答未及終大地忽  
震動轟然耳生風坐堂如駕浪鳥驚出林叢屋瓦紛飛  
散棟柱軋磨礮中庭盡龜坼盆池半塞壅亂穴噴濁水  
狂魚頷險喁牆壁波皺紋潰土煙濛濛兒輩戲樓上恐  
怖憐味蒙蹶起歷階進蹙爾頓足登庇兒惟姪在共扶  
趨下從地軸響鞦韆天蓋黯朦朧安危在倏忽疾呼警  
族宗跣涉泥塗窟戴席倚孤松四方急叫喚比屋訝涌  
洶隔鄰幸無事避難故人宮入夜最悽愴飛廉助祝融



萬井成火海赫燦天雲紅炎炎燎達曙虐威增旺隆焦  
 延十區餘轉見火勢雄再暝疾風吼劫災滔決癘黃閣  
 大臣罷攝廷新宰庸巷陌令嚴戒城郭制暴兇天網密  
 羅網巡徼有罅縫盜賊乘難發亂起如羣蜂揮刃斬頭  
 足擲彈炸垣墉或曰殷頑民大舉將襲攻皇恩被海裔  
 固疑角出犗閉戶各鳩首室閤耿小釭地震亦間作人  
 人懷恟恟忽報燎將及康衢驅婦童顛蹶介車馬困頓  
 泣瞽聾時余出探望閣道眺帝邦炎官張朱繳熱屬揮  
 絳幢惡鬼吐赤舌朵頤噉樞牕烈焰萬笏立回颺捲霓  
 虹解瓦飛百里騰煙焚亢龍隕壁哭魑魅雷破殷虛空  
 走歸促老弱提任篋與籠數里就草野缺月挂疎桐羣  
 氓沓競集塤隙敞遠烘衾裯雜几案槃盂間釜謖薦地

臥童稚榛棘披蒙茸為父愧鹵莽有姑致慈恭衆難縱  
 橫睡露枕鳴候蟲丑漏風轉位還處意漸降斯事踰莽  
 月回顧神尙嘗不圖此會合無乃冥佑功東都百萬士  
 奇變俄遭逢骨肉多離散富貴一旦窮而我免災異殃  
 禍不及躬全室復相見依然舊顏容繼晷更秉燭艱難  
 話心胸至幸無物比深拜謝蒼穹池起谷以觀海曰滔視五百  
 有餘言真藝林之稍大觀也兒輩數不可博已乎當時官以下可  
 想可想黃閣十字就實矣起事之非兀結所以深穩一人正曰  
 一數句稍近小此說僕不信矣起事之非兀結所以深穩一人正曰  
 反詳目其不遇亦是賭毫無遺漏然又曰博士志居然一紀大  
 故詳目其不遇亦是賭毫無遺漏然又曰博士志居然一紀大  
 亦足震災以正年軒輕此篇者蓋未曰缺之月一獨曰百供家中  
 可置少者共於畫龍點睛時何殊有生態趣嗟賞一久之亦不

震後逃難獨歸洛寓遙憶泰兒

九月十四日

汝今齡始五憐慧我尤癡步月望層闕瞻雲倚短籬鳩  
車顛去幾繪本訓來誰道路猶梗塞迎歸未有期

曰能寫慈親之情  
余想見其為人也

鳳岡祭酒清風閣宴集十五日

半峰亭子俯喬林天外離離鴻雁音偏藉主人能愛客  
即逢窮歲且閒吟西山爽氣終無盡北闕浮雲漫莫侵  
聞道召周營洛邑劫餘風物尚陰森

宴集席上聯句

楓衰菊還瘦荒木 鳳岡復值歲時闌山閣風流繼豹軒

草堂杯酒寬江湖多逸興狩野君山景物慨跳丸冷宦

餘頭髮內藤湖南深燈話舊歡內村北涯

大正十三年甲子 四十七歲

東宮殿下納妃慶節恭賦六章十一月十六日

大道南郊嶽色通金輿朝發入宸宮禮官清掃 皇靈

殿鸞鳳來儀玉燭風

玉殿冠裳霜雪明壇前列侍盡公卿奠解雙拜 神靈

鑒永結紅牋昨日盟

靈宮樂闋禮成時冉冉祥雲繞玉墀 列聖鴻休垂奕

葉新開萬世太平基

羽衛煌煌列六軍嵩呼沿道壽 儲君仙輶轡輓紅旌

遠尙向青山揖彩雲

聯軒入見 聖心安玉潔蘭芳含笑看榻外松濤天樂

響何如華祝萬方歡

儲皇立配禮斯修萬古一王義彌悠政理須振新日本  
人文要化舊神州

送青木迷陽學士正遊支那四首

樓殿參差入漢雲武英文華氣網緼寶圖彝器今猶在  
著錄偏依彩鳳文  
春風太液畫船空瓊島鶯啼綠柳中不識金鰲橋畔路  
可無題壁滿江紅  
闔苑浮空水一方頤園宮樹草萊荒毳毼零斷勾欄仄  
試上前朝歌舞場  
檀槽牙板肉絲場裂石穿雲頑豔狂風雅知從何地發  
真成顧曲待周郎

虎門歎

羽衛輝煌一十里銅輦朝向明堂裡金彈命中常侍貂  
咄大不敬逆賊子殿閣門開夜燭紅丞相倉皇下宸宮  
我聞滂沱血淚流噫天致此或有由君不見風俗日降  
不知底大臣盍先顧大體勿為厚顏狎優恩乞骸仍受  
前官禮池谷觀海曰虎門之事人心之變極矣博士謹  
嚴持己溫醇容物然激越痛切不用少假借字  
字皆立語皆淚  
是時勢致之耳噫

郵票歌

郵票郵票方且小中央菊章櫻花繞上有雙蜻相向飛  
下畫芙蓉峰杳眇紅者三錢青半之帖信能達千里表  
何事票背缺膠糊票界針孔今則無剪刀粉壺各自用  
逸是一人勞萬夫去年地震燒印院試許商人製此片  
商人趨利不足言大吏默容何通變君不見平生經綸

誇意氣江湖名聲夙專貴郵票一出人人嗔當路大臣  
犬養毅此池谷觀海曰議者歎輕佻過之者博士作歌見  
逸是不知當路何辭一語轉振入議論激憤之餘少陷淺  
可露亦不歎

紈袴行

紈袴子弟爭金紫攫肉餓虎逐臭豕黨人跋扈孰鹽梅  
天家藩翰汝非材君不見甲第鬱鬱連雲黑四海飢民  
行號食長夜酣宴臥積薪洛陽書生獨太息池谷觀海曰近日華  
胃子弟喜與黨人結託不自知之罪  
為可歎臥積薪之風刺當三復也

東宮及新妃殿下駐輦仙洞出于紫宸殿小御  
所賜謁臣庶予亦預焉恭賦十二韻十二月二十七日  
負展臨宸極升階配少微鳳鸞振逸響日月繼重輝陵

廟新享祀山川舊甸畿上林齊駐輦南洞故移旂開殿  
見臣庶比牀頌德威天晴冠冕入日午鼓鐘稀蓬宇煙  
霞暖敞庭泉石肥憑高仰雙座屏息近層扉真氣寵搃  
接 仙容咫尺違鵠行慙揖讓磬折畏瞻依春樹歡騰  
溢禁垣祥繞圍宜秋門外路退出彩雲飛池谷觀海曰  
肅整整一誦之乎聲響律應鏗鏘鏘和平之  
音搖曳座隅正是博士得意長技薰手拜批

桃山謁陵三月十日

攀髯事往迹茫然翻憶 君王御宇年已頌召公平朔  
漠又聞謝伯築荒煙勳臣衰老青山外俠少翔飛黃閣  
邊陵道草萌寒食近南湖回首綠楊天池谷觀海曰聲  
由得風人之旨  
而逼唐賢矣

乃木將軍廟

先帝陵園淚暗揮將軍廟下更歎歎一門忠節同楠尉  
四海豆蓬思岳飛寒雨凝香梅骨健輕雲送色柳黃微  
朝衣碧血猶如昨驚見祠林漸合圍池谷觀海曰前聯以和漢為比稍苦

吟後聯不  
可換一字

老蘇村觀梅村在江州蒲生郡三月十一日社友同往

京中多寺觀周垣列屋租或有廢圃宅種菜梅則無近  
聞湖東地有村名老蘇茅茨散林麓家家植梅林招我  
同社友共遊山澤隅裹糧適蒼野杖頭掛一壺微雲翳  
垂宇徐風拂吟鬚迢遞踰阡陌煙靄連平蕪籬落聞雞  
犬隴畝見耕夫時有暗香掠已識近幽區果見前巘下  
俄然景象殊草廬數十戶隔林雪糝糊流水度潺湲石  
逕穿崎嶇躋攀邱阜上顧眷指來途身落衆香國展觀

瓊林圖未知修何業能至天仙衢老農邀我飯款接色  
愉愉生長梅竹里心足無所須世俗日儂薄悠悠思黃  
虞黃虞豈謂遠守樸歸其愚斯人不易遇古道徒自娛  
獨此山中樹清高居民俱遂使我輩懶百里起奔趨感  
歎仲尼語嘗曰德不孤池谷觀海曰京中一節以開筆起而種菜梅則無一句忽起以  
下老蘇梅花村老農一遊為藝林開一境可慶可慶  
名世人所未知博士一遊為藝林開一境可慶可慶

石寺林中遇雨

涓涓聽細泉苔徑循樵迹穿雲至梅坡倚林各岸幘呼  
吸骨髓芳逍遙形神適急雨下脩篁花動煙氣白愛此  
幽絕鄉清香千古積山靈知我徒喚起花魂魄時見翠  
鳥飛未覺美人隔此境若可居我欲棄塵役池谷觀海曰野寺遇雨一段風趣不可無詩而得花動煙氣白五字空靈鏗鏘  
渺妙味不盡因清遊漏天機作者不自知也各岸幘用

來似可亦似不可未  
覺云云頗似唐突

出村沿繖山麓西行時霽

嚼藥又飲水誰知餐玉方山鐘鳴亭午透迤向西岡湖  
天平野闊巒巒起道傍城址已為寺崖崩舊堞荒雄豪  
今安適身滅名亦亡寂寞餘邑聚傾家東作忙雞狗守  
空宅童稚畫泥牆往往籬落外風吹疎梅香栽柳非陶  
隱歌鳳豈楚狂耕織晴煙裡老死白雲鄉可羨安樂國  
帝力殆相忘明年花復好暗期重徜徉池谷觀海曰余  
少壯觀梅浮藥

於酒戲呼為梅花酒今博士餐玉方亦同不覺一笑  
往時又曰此篇平敘安詳中寓許多感慨故自靈活不  
陷平  
板矣

劉徹行

君不見漢家天子號劉徹召試賢良簡衆說表彰孔氏

斥百家遠識可謂帝王傑雜霸實兼黃老為宰相時出  
稱經師慧直汲黯每面罵阿世陋儒卻乘時寂寞獨憐  
膠西相三年草長園不窺

我生行

我生若不為宰相垂紳端笏廟堂上進退百官如易棊  
出入闔闔隨兵仗唯須得拜大將軍叱咤百萬驅風雲  
意氣壓倒侯與伯飛將名姓塞下聞冠劍畢竟不稱意  
壯歲一擲功名事相如多病愛林園子雲好玄耽奇字  
遮莫廣文官常冷清世講學聊自幸時有數子載酒過  
論文起予發深省眼見世事感慨多國之四維日消磨  
暮李朝牛相傾奪五侯七貴競玉珂虎門忍說穀下變  
雙橋爆藥如雷電士林無復黨錮流太史擬立逆臣傳

范滂不遂攬轡遊陳蕃徒為掃室謀翻然出位思伊呂  
回顧當年筆欲投卻笑杞人憂墜天秀麗神州好山川  
上有英明 聖天子下亦豈無房杜賢 東宮孝敬本  
天性 新妃淑慎由賦命龍樓出門朝問安彤庭負展  
宵視政四海欣戴父母親萬國行見太平春祥至瑞應  
知不遠制禮作樂方斯辰今日未可臥草廬寄語儒生  
勿自疎登嶽或舉封禪禮一卷待獻茂陵書

上苑散步偶成

輦路垂楊拂幟車流鶯啼度禁垣花皇州春色元公道  
天上人間總不遮

三句今春臥病四月半至五月半

三句絕我讀書聲誰識心中無限情最怕老親費思慮

家書報病避分明

民國前大總統黃陂黎公元洪來訪大學前史所

無鳳岡祭酒設宴歡迎予病不能赴賦六韻以

贈四月十八日

游方憶襄野乘筏到瀛封采藥蓬山雪避風玄圃松鴻  
都紆策轡東序觀鐘鏞要識人文化無非道藝庸石渠  
花暗接虎觀柳偏濃不落瑤池日莫辭酒累鍾池谷觀海曰文

字典麗似學選體博士時病臥筆端稍窘蹙是為可惜耳

臥病

百花零落綠陰成臥病三旬夢易驚伏枕亦知春已盡  
竹林啼過是殘鶯

病起卽事

黃雀引雛燕語梁午庭新樹藥煙蒼可憐苔砌南窗下  
一朵薔薇倚竹香

沼津訪池谷觀海翁事在別後有贈

有美一人住嶽陽冠玉切雲佩蘭芳廿載願見始相見  
桃李花開映草堂堂前大海去帆杳屋後高山遊雲長  
向生昔遊說河嶽韓子古道托文章暫逢何忍又分手  
別後雲山各渺茫春風未盡半日興明月難同千里光

池谷觀海曰廿載七字余所欲言今為博士所道破呵  
呵結末二句意遠恨長冀後會連牀剔燭高談啓余蒙  
也

酬觀海翁見寄次韻

海嶽晴光映我車東臯憶共坐飛霞別來臥病花空落  
客裡懷人日欲斜獨往夢隨黃犢草聯吟興乖白鷗沙

自憐詩筆殆天奪敢信江山助更加池谷觀海曰前聯  
足聯飄宕亦  
足窺其襟度

除草

違失攝生理沈痾久不痊始臥桃李盛稍瘳春夏遷景  
風蕩雲氣熙日照芳妍移步顧園植惡草最鬱然蓬蒿  
沒蜀葵蔽蔓施竹巔茅菅與蘩蕪蔽牆無片磚有似朋  
黨輩結托相負緣揮鎌試芟滅莖根密且連深除藉耒  
耜羸衰我力愆歎息以卻立呼兒走東阡急買九松子  
新植南窗前唯期一世後鶴來宿蒼煙池谷觀海曰病  
後涉園矚目傷  
掩結末怒漸解栽君卉一樹以入期鶴來宿憤懣不  
語不學往紆年有之態筆之路尤明託畧同而博士之  
不計及所以



雨霽

雨霽新林幽意長捲簾無事坐書堂珊瑚紅映琅玕翠  
的歷榴花脩竹傍

岡田劍西正博士惠寄支那地圖朱線以記遊

蹤賦謝 五月

南極海南北冀幽感今懷古幾回頭歸來圖面添朱線  
亦使吾儕恣臥遊

送內藤湖南博士奉命西航六月九日

乘槎滄海指西雲儒雅風流世所聞白首兼優才學識  
青衿穿貫史經文星光已向天邊動紫氣先從關外分  
不比延陵觀上國宣播東教正由君池谷觀海曰遣詞  
造句步武堂堂後

聯天象應人事之義正見湖南博士使命之重且大結  
末吐真意壯本朝意氣軒昂抱負極大不可以尋常贈

詩也視

再疊韻

蒼茫半歲隔龍雲亦識鴻音別後聞絕域輶軒仍察俗  
流沙墜簡定論文天連印緬炎瘴合地入法英秋霧分  
客土風光須自愛歸來重奉 聖明君

湖南前輩西航鳳岡祭酒設祖席於東山清風

閣陪次賦呈三疊韻

層閣平臨萬木雲淙淙鳴澗坐來聞青山祖帳迎班令  
中夜清尊會廣文長路關心帆影遠危時論道斗光分  
河梁一別雖堪惜尙喜醉吟同五君主人湖南君  
兩山北涯

瀨田川泛舟送惺軒博士遊朝鮮六月十二日

半江煙雨響菰蒲釣艇送君臨碧湖到日箕邦爲相問

有人猶賦黍離無池谷觀海曰前半藏離情於言外輕  
止之誠矣

戲和湖南先生舟中作四疊韻原作序云同舟

其季女即渡邊某君夫人又有螺良夫人為佐  
多醫博女並訪其夫至歐洲也而湖南博士此  
士行伴令郎法學  
猶未有室

絃波櫛櫛學銀雲彷彿月明環佩聞郢客漫誇巫女夢

陳王枉詠洛神文盈盈一水看還渡脈脈雙心隔不分

卻惜孤飛金孔雀鷁舟同載令郎君池谷觀海曰格調

然斐然而博士自  
云戲作吾不信矣

下保津峽舟中即事吉田子熊鈴木庵湖湯淺

疊嶂回溪下瀨船傾杯話盡卅年前壯心依舊豪吟發

壑底堪驚蛟鰐眠

歸家曝書八月三日歸村

門庭寂寞故田家曝著蠹殘書五車依舊簷前遺愛在

夕陽紅逗紫薇花

中元即事三首

有母有兄子德兒姪全還山旬日好安眠夢魂不到風塵

境林下逍遙似地仙

供花獻果祭筵清誰識燈前默坐情堂屋渠然留母嫂

絕無歡笑昔時聲予家往年羣屬同居者凡  
十五六人今母嫂一婢耳

入夜家家燈影清村南鼓笛踏歌聲雍熙遺俗今重見

四十年前舊月明

至彌彥村訪子德仲兄火宮祠避暑八月

綠樹重陰壓火宮炎威無復託微風清涼一枕華胥夢

盡在蟬聲蝶影中

寶光院後老杉 蓋千年以  
上物云

亭亭三百尺鬱鬱一千年屈鐵垂柯迸熏銅直幹懸比

峰虧日月象澗釀雲煙至幸棟梁器不為匠石遷 池谷  
觀海

曰筆力勁健詞氣  
直達神似老杜

牧花里訪解良氏百木園 解良氏與我累世通  
家舊職里正以慈通

稱余年十一歲從解良士德先生學英語於百  
木園中距今實三十六年前矣 八月十九日

竹後茅茨靜夏天蒼巖古木舊苔鮮當時問字人何處

一去回頭卅六年

呈主人精里君 君又號聽泉時  
新館將告成

百木園深八月天涼風拂檻坐清筵欽君慈儉隆堂構

鳥雀已馴新砌邊

白山公園眺望 八月二  
十一日

大江煙浪接洲汀天北風來海氣腥清曉喫瓜試南望

孤雲盡處劍峰青

萬代橋

江流泛泛放輕篷涼滿衣襟八月風偏訝誤尋龍女府

不雲橫水是橋虹

渡部村訪阿部氏於偕樂軒 主人名七次郎為  
長善館同窗士今

喪明予不相見者三十又  
八年矣 八月二十八日

卅八年前同學生林間話舊午風清欣君快辯如疇昔

肉眼不明心眼明

賀笹川良造君花甲 我姊嘗嫁君有二兒而天  
姊亦逝矣 九月八日

我家西水滸隔水望君家數里聞雞犬百頃見桑麻我

姊嫁君日天天桃李花三年君于役我姊退鉛華二兒  
竟歿折養弟弟病加五日追弟沒良人天一涯嗚咽動  
鄰舍哀毀泣孀耶我時尚童稚感歎亦咨嗟爾後君別  
娶舊嘉新亦嘉高門祥氣集子女繞膝斜往事真如夢  
轉覺歲月賒今年君周甲矍鑠向人誇親戚送酒肉父  
老致蔬瓜三爵禮成後羣賓舞僇僇想君徐引滿欣欣  
坐歡譁我茲寄遙祝聊充鼓摻搥子女有所就上壽期  
不遐唯宜積善行其餘弄煙霞池谷觀海曰入手八句  
如讀古人詩以下平敘

詳悉著勸獎語而收束  
正見其用意不苟矣

### 次湖南博士詩韻二首

想見秋蛇簡色寒遺編何日事鉛丹封中疑帶古香氣  
尺素展來幾度看聞斯坦因蒐錄中有草  
體文心雕龍寫真成

東方興廢卷中收西土山川又歷游不識欲吞幾蠻觸  
笑君老饕及蝸牛和博士巴里秋興云東方蠻觸  
禍難收蒿目世間且遠游秋入名城

人海裏食單  
點去到蝸牛

### 聞清帝移宮報五首

玉殿秋風柳色黃後門鐵騎劍成行君臣慟哭宮車出  
太液驚飛紫鴛鴦  
王氣銷沈十幾春將軍亦是舊朝臣公然白馬驅龍種  
猶視青衣行酒人  
誰使黎氓弄太阿茫茫大國舊山河俄皇窟死清皇廢  
熟視亂臣賊子多  
逆賊當年弑聖皇鄰邦無義討田常繼生禍亂知誰責  
回首煤山一斷腸

漢宮珠玉賊爭收寶玦王孫窮巷游袁董去時曹馬入  
雙峰出縮老蝸牛用湖南博士食蝸牛韻

菊二首

團團籬下菊鮮鮮白與黃密葉承溥露繁花輝朝陽衆  
草變成穢蘭艾共摧傷喜汝伴松柏歲暮能留香泛酒  
何期壽餐英非求康所願化臭骨玲瓏淨心腸苾芴胸  
中氣發作我文章池谷觀海曰此篇似學選體溫潤渾厚宛然如其人結末四句英氣發露

全篇生動

叢菊有佳色帶日映園林含露一何美不知風霜侵整  
斜藥低昂絳赭彩淺深白者白於雪黃者黃若金兒女  
豔桃李芳潔亦知欽攀折數枝葉汲水膽瓶臨拂几坐  
花影新詩聊長吟寄語陶家子伴我歲寒心池谷觀海曰比前首

覺有流動之致面目稍異整斜以下  
下二十字形容曲盡無復遺憾

細菊

緩步丘園道流眄墟落邊離披榛莽裡斑斑細菊圓花  
葉若裁翦浥露皓以鮮瘦蝶亦何意周匝來翩翩枯葦  
恐蕪沒移植破荒煙傍配竹與石置之藥欄前灌壅賴  
子力榮悴任我天挺姿近愛日釀香送青氈時至甘衰  
謝運窮恥乞憐不屑姚魏色赫灼侈春妍池谷觀海曰  
博士前菊  
詩二首後又見此詩余護女病晝夜劬勞文筆久  
廢月初竟歸道山今則亡矣偶誦此篇到末幅老淚潛  
然不能自禁投筆捧心嗚呼曰甘衰謝恥乞憐如  
吾女之哀毀地捧其不安歟詩動余心以高作者為第  
一從前所無也

曉曉雲中鴻一篇奉慰觀海翁喪令女

秋風拂寒柯墜葉鳴策策曉曉雲中鴻悲叫似鍛翻問

之汝何為飄搖踰山澤恩勤育孤雌鵲棲銀河夕一母  
遺五雛乘煙向瑤闕直欲追隨去杳杳無蹤迹聞言痛  
予懷哀極為恍惚顧謂汝勿爾斯生百年客顏彭齊壽  
殤賢愚同一宅豈為憂愁虜聊寬不為迫自今十年餘  
羣雛成骨格或振鸞鳳鳴或效鵬隼越雖為燕雀倫尙  
勝烏鴟嚇蒙叟貴委順道大乾坤窄池谷觀海曰王夷甫云聖人忘情最下士不及情情之所鍾正在我輩余喪女而知此言得人情之真矣豹軒博士賦曉曉雲中鴻以慰余懷此與悽惻唐宋筆力千斤觀者必瞠若也

送姪脩赴任郡宰

十月二十七日時姪任兵庫縣安栗郡長

阿戎宰百里先知二母喜再思半悲歡乃父今亡矣跬  
步就任途話言代告子我聞聖賢教治人先修己居官  
清慎勤臨政誠惠耳政實又如何足食興禮只昭代無

闕遺黨爭憂紛起貴賤閱都城貧富譁鄉鄙人人不安  
生宛與驚鳥似法令降如毛禮文棄若屣率以傳舍居  
政教豈不毀弛弦要更張冀汝改陋軌宓子臨單父鳴  
琴境自理言偃宰武城絃歌俗日美山郡雖狹小圖治  
信可恃君子貴素行醫國此其始秋風吹落葉與馬渡  
寒水公退有餘閒南雲望鴻鯉池谷觀海曰馬援與兄此篇說居官之道政治之要舉其大而歸到禮樂以醫陋俗立言純乎儒者情思磊然君子老杜有送高三十五書記作與此篇同工異曲矣

南都 十一月十六日

南都幽麗地殘日偶來遊喬木瞻孤塔寒雲對畫樓魚  
沈猿澤夕鹿臥笠峰秋轉見前朝盛伽藍滿四邱

東福寺 十一月十八日

青山東郭近絕壑寺廊連苔徑風霜淨楓林錦繡懸題  
詩逢白石拄策俯紅泉趁得行人少出門初日鮮池海

曰無錦繡紅等字則宛然唐賢稍陷技巧也  
金閣寺十一月二日

寂寥金閣寺秋色自郊坰紅樹經霜麗平湖點石青風  
生銀漢水日下夕佳亭往昔將軍苑吟筇儘可停池海  
曰三首格高調暢風度似唐賢遊寺觀作猿潭笠峰一  
漢夕佳自然佳對博士一笑拾以入詩山川樓閣生銀  
等快事何

二兄德子惠寄葦菊葦名薄衣菊曰籬下賦謝

薄衣堪作佩籬下可充餐千古饒香色不憂肌骨乾池  
觀海曰薄衣籬下命名已佳采以入詩更妙又  
曰起承二句西京氣象收束五字畫龍點睛法

又見惠柿實感賦

霜隕空庭敗葉殘故園珍果上京盤卽非奇鳥遺蘋卵  
定是仙人積轉丹抵得清談防舌彊除將消渴勝莖寒  
翻思少日羣居樂斫玉爭刀膝下歡池谷觀海曰二聯  
暗伏典故而其跡  
如己出所以  
不可及也





終